
香城縣五

京都 路 路



-										
一成長日美七月	進士崔君墓誌鉻	廣寧李公墓誌路	湫人金氏墓誌鉻	墓誌銘	坯窩金公行狀	東屏金進士行狀	遅齊金先生行狀	知中樞府事李公行狀	行张三法夫人休內墓师	青城集目録卷之九

三中女をフラスナ 碑銘 敦寧都正羅公墓誌路 渭原姜生建恒墓誌鉻 贈持平鄭公墓誌鉻 永豐君夫人朴氏墓碑 白陽川墓誌鉻 縣監李公墓誌銘 慶州金義士墓誌銘 洪士沃墓誌路 幻菴法師浮屠碑銘並 序

当日と見り出し目			公司 於學學 照 就 法 就 又 起於			祭遲齋金先生文	祭永湖趙公文	祭林華伯養浩文	祭文	興海九隄紀功碑
	学 一次	公司 副经生物		関係機関特殊	好 古 皆 縣 議 總 医				成大学士教	

.

青城集目録卷之九					市場生の差プ

青城集卷之九

知中樞府事李公行狀

贈左贊成祖諱夢亮左贊成贈領議政考諱恒福 多聞人高祖諱成茂贈史曹判書曾祖諱禮臣 公姓李氏諱箕男字靜权慶州人也始祖謁平其後

母錦城吳氏監察彦厚女文忠公之副室也公以 領議政鰲城府院君諡文忠公勲業名節具在國東

| 「以上| 人に行状 萬曆戊戌十二月十五日生氣字豪俊識慮深遠

忠信亦曰靜叔才氣勝於白沙大爺云宣 忠公奇愛之以為類己當製大鵬詩以遺之鄭錦 文忠公卿諸子孰可用文忠公以公對時公尚初 坊里の差げ 餘年斗屋蕭然柴水不給而窮達飲戚不一動 海戊午文忠公卒於北青公從母氏守墓於抱 漢躬 仁祖庚午中進士愚伏鄭公經世以吳氏節 席一仁祖命官一子公感激 將材薦辛未以功陛資丙子胡亂扈 方肆戎馬數警公乃捨文就 侍羈對不避艱險 仁 祖泣謂羣臣日 武成水 殊恩圖 郊於邊 祖當問 YL

當燕路之衝虜使有千列邑波於供億 資入爲同知中樞府事两西新到於兵瘡痍未蘇 命陞資仍除洪原縣監旋移靈嚴郡守未幾 任常以公應選戊寅除寧遠郡守辛已除陽德縣 得無禮房皆聳然敬服竣事復命 仁祖奇之亂定 自請於卿宰日此行可屬之我手綾城具公宏遂薦 卒之際失予乳女有能為我求得者乎公請識其乳 **媼名卒求得於賊藪以返當送使虜陣人皆憚行公** 公馬鞭以武之公正色顧之日軍中不可無鞭汝安 朝假公禮曹判書馳往虜陣將入陣門虜故

兄主簿公奎男退居高陽治農自資公家居輒仰 焉主簿公常戲日吾弟無我必餓死傳者以為美談 理山 郡守在西者凡十邑属使入我境徵求無厭少不如 下寂若無人清白尤為吏民所懷解官則家無儋 館 市労臭の差力 移瑞典府 **輒肆詈辱節度使以下莫敢誰何獨至公所恭受** 西除遂安郡守 所居城南小屋不蔽風雨妻 一郡守乙未除豐川府使己亥除信川郡守未幾 相戒不出 使 顯廟甲辰除長淵府使庚戌 一聲公居官常務清净之治鈴閣之 孝廟辛卯除白翎愈使祭已除 子凍餒晏如也

声成していし行状 逆亂作人始服公先見內子亂時公與三簿公議家 屬必送于此公日江都雖日 屬避亂之所主簿公日江都天塹勢必萬全我之家 而延公公直入坐取其梳投諸池而責造日周公大 時聞公名固求見公辭不往人或謂公日彼以善辭 惟 其遞豐川也載一石以歸常謂子孫日余平生官力 謝然公歸謂人曰适不可再見适亦不復請未久 一也猶握髮以待士足下何人乃無禮如是耶造處 見而辭之公乃造焉适方坐池邊使侍婢梳 石可置我廟前人或比之欝林石賊适則貴 固必爭之地不如山峽三

闡 斯言美宜於吾之家也當書遺子孫戒令薄葬仍日 之為妄言招禍之資耶老而閉眼長时不問世事當 運不幸士夫家遭此變難吾固不恐言况令汝輩知 贖還公歸絕不一言子孫或有問者輒呵之日 慎云者在他人則可也兄弟一已也已物亦可慎乎 房者皆來見泣訴 日我其某家女也幸公歸言使即 簿公不從送之江都及城陷主簿公两子皆俘焉獨 余年已八十利欲鄙俚之事吾知免夫其自信之為 公家屬避於山峽皆得全當隨使入燕我國婦女被 明りえナ 家有兄弟稱慎之言蹶然起坐召戒之日凡稱

与成長区たて行 衆 時憲時敏時一五女適某某庶子時健時憲子世 資憲戊午陛正憲皆壽職也庚申十月十二日卒享 文公所自著略書其平生然亦足以想見其為人也 年八十有三葬于抱川花山質坎之原從先兆也竭 調明 完城崔相公鳴吉常為之嗟惜不已 如此 於州縣其除自翎也朝議將以西閩界之而亦未果 可以大用而顧骯髒自守不事苟合以故歷試 鳴呼公少以材器舉晚以廉謹稱趾美名家受 朴氏主簿悌男女有婦德先公十九年卒子 又值薪膽之會 時名公鉅人莫不推較 肅廟丁已陞 四

三川生の差プ

世勣時敏子世業世茂時一子世蕃曾玄以下多 深而清白之於貽後也大矣今 列居畿湖無一食貧者君子於是知公種 一丙戍官公二

世孫百喬謹状

暹漢顯於麗朝官四門博士十三傳而至懿愍公諱 先生姓金氏諱焌字子文號遲齊世籍延安始祖 **進**齊金先生行狀

悌男以 五世祖也高祖清州牧使 宣祖 朝國舅有从生大節事載國史於先 贈左承吉諱來曾祖

廣照、倉守 贈吏 曹泰判諱天錫祖工曹正

郭

董莫不推許而亦非所好也常以為六經固皆聖 青戊是区长し行状 之書而易則更四聖而成書實羣經之祖宗也故 聞藉甚雅性恬素淡於樂利於世間 也問戶階居專意古經間從搓川李公乗淵為詩先 公憫之及就傅未嘗課督然先生切自勤學及長華 都之大寺洞宗家四歲遭大夫人喪清羸善病泰判 以文章行義重於世號蟾曲此 更曹判書諱智考永柔縣令 上監奉事諱弘著之女考妣之貤職以先 肅宗乙亥十二月十六日子時生於漢 贈戸曹泰判諱 贈貞夫人延安 一切事務泊如

声城集の差が 藉於易矣金仁山履祥始知圖之四方與文王卦 學專王於易時可湖安公重觀善本義易以邃學稱 先生從之學义之而未得其方於是遍搜諸家凡所 易海平其四達矣始易家者皆以河圖屬之伏羲八 謂佐翼易經者無不討究而竟亦無得馬乃求之於 文王八卦四方以正四隅以變象數功用無不相 河圖精思冥索至忘寢食者屢年盡得其與推之於 而易之本於是乎在矣先生逾益自信用力之篤如 故論方體則序次達辨時義則生成錯而圖若無 問則猶未省其相合也先生始定以河圖屬

100

此貞夫人亦勸之出先生黽勉就職未幾用別工 自成長くまし行衆 泰 適値て亥 尬民以誠聽訟以直政簡而惠华取廉而予厚永 漢儒之專門也積累既久 一為繕 生皆洞釋之無遺泰判公識鑑高明少許可然聽 生論易則為之欣然起坐若沉痾去體也戊辰 判公憂既葬歸 而頌 甲戌陞拜司褒院主簿遷東部都事除永平縣 之暇則輒展易講究几案之 監監役知故慮先生不出多移書起之繼 原州丙舎服閥之二年鈴曹舉先 解剥益精傳義之未詳 朝令設賑先生以邑薄了 間蕭然若無

繕寫而蔵之又有河圖解深衣解並蔵于家先生性 至孝奉養務悅親志及遭大故年已衰老矣執喪無 三十餘年而成窮天地之故極陰陽之變吉凶消長 時已註易數針至是益勵者述雖寒暑疾病不廢凡 返日 問我願也 上既聞永民急令御史復馳往賑 能辨販穀屢請於按使而未見許固求魚歸而亦不 幾禮樂刑政之本詩書語孟大學中庸之要 御史二過境者乃以賙賑無榮 而發之書盖數千萬言名之日傳義後錄命嗣 一則實無以賑也始悔前 啓之誤先生自未官 啓罷先生欣然

声地はりえず

戸成長日気し行狀 經義沛然若不可遏待問而應如鍾受扣雖 絕人讀詩經三遍終身記之平居簡重寡言笑及論 必整終日端坐未當見倦惰之色雖篤老亦然聰 遠使務家相近當食必與之同待人一 夕屢空而不以爲憂左右圖書惟以講說爲樂冠帶 於故舊容其過作而纖芥不滯於心晚年家益貧朝 貧未能也常以爲恨三弟最貧居隔 然無物我之辨見人有過必正規之已則忘之厚 夫人安之逾於已出兄弟五人常欲同室以居 制居常語及先故必涕事繼此貞夫人盡其誠 以誠信表裏 崗而猶 明

堪興家以爲吉故撤舊第以厝之先生以醇雅高潔 声の東の差が 愈樞 必竭其端不曉不止也先生以壽者屢承錫舒拜 過調古叉不撤氣色逾益安泰將終子弟有問 日夕考終于點易軒前五六日顧嗣子日吾將逝 原後四年改葬于癸坐之麓即點易軒之背也 何憾與答日工夫未足是為憾也日夫子六十 一而 循以為不足與 莞爾答日是何足為 篇工 剛健篤實之德志以道立氣以理順不俟操 樞府事至登資憲階 一以其年十二月七日冬于安昌百 英宗て未十月一

| 与戈美国美し行歌 孝於父母友於兄弟謹於祭祀惠於宗族寫於朋友 無理文字未當經眼而惟古文是尚其載道也若地 之心始終守處女之行天分既高矣風深風雅之 長篤性命之學沉潛乎經典買穿乎子史唐宋以 存而涵養自熟不勞省察而言為自正平生保赤 擇術亦精矣退然歸計於江湖之上窮餓 於衣食内行亦備矣非王道不言非天德不行雜 功利之說不敢至於前衰世朋比之智不能動其 而海酒其晰理也若毫分而縷析也文章亦偉 授著述樂以忘老晚節益尊矣然此

經甲者足以害教易道寧有是哉故易道之不明諸 乃成之於玄虚宿於之境故其說逾精而其理逾姓 未足爲先生大也竊害聽於先生之数矣盖曰易格 至於藏綿析數之言亦必援易以為重高者足以亂 賊之也及程朱之傳義出然後易道始正聖學復 猶未得為斷書也夫易之為書假象以顯義依數 然程傳專於義理本義專於象數莫得以一之是 明理也義理固象數之本也然捨象數而論義理 日用 致知之書也惟聖為能知易明於人道故也故 事物遠而天人性命無非易也後之學者反

野成 に に に た に 行 状 吾未敢信也數者天地自然之法也莫神於河圖莫 巧於蓍榮大極之一也而分之為参两八卦之重 也節候着策之變皆以十八為度卦之交變行自否 而行之爲六十四是皆數之自然者也即子之 泰而來咸恒損益之類十八卦是已逐卦而謂之變 今之求易者捨是而奚準哉卦變者天地陰陽之變 書而止則一卦繇足矣羲之畫文周之辭孔子之 數者乃或以占書斷易占固易道之一也然易苟占 則猶捨形氣而論心性也烏可得以明之哉然主象 如是鄭重哉且以孔子之聖三絶韋而十翼乃成 九

賃前之言可知也於戲其至矣哉安徵君錫微皆有 成矣而修潤不撤終身孜孜若初學者然觀乎其易 信之篤如此故卒能卓然有立作為成書以倡絕學 於千載之後於此方可見先生之大者非後學之所 可指議也然先生猶以為義理無窮見識有限書旣 心則雖程朱之傳義亦不敢强信也使四聖之道萬 建安之卦變胡雲峰之雜象升吾取之有有疑於吾 之一家言則可以之定易則未也故卦體宗孔異 一有因我而闡發者則雖舉世罪我何恤焉先生自

賢後先生四年平取弟五弟坟之子載軾為嗣載載 娶縣監李聖中女有一男鍈四女載軾以大中承學 安李氏宣輔之女佐先生於貧而無達禮宗黨稱 配德水李氏垙之女奸 縣監萬辦之女次配全州李氏通德郎益祉之女三 隨盡於變化之流而不以葬倫為

可離鉅包宇宙 錫儆即可湖子也先生四娶俱不育元配全州李氏 將見採以載易書亦必與天壞俱終君子以爲知言 入絲毫道學經濟無所不具後有大賢折衷奉言必 壽序贊之日高極於象數之原而不以事物為可遺 与成長 に た に 行 衆 贈貞夫人四配貞夫人延

終辭者謹書平日所聞於函丈者而弟其世次以為 德之萬一而僣與於是役哉顧以受恩之深有不敢 **火屬以行治之文大中之庸下豈足以知先生盛**

東屏金進士行狀

德者考焉謹狀

古通戶曹判書月川君曰順命禮曹判書清陵君 名字因之始祖忡高麗令同正四傳而入我 公姓金氏系清風諱得厚字子容始名致默後改合 英牧使清風君日彌性食正日大臨始落南不官

日柱天避開寧土賊流寓金山子孫因家焉於公為

憤幼業殆忘寢食比冠已尚其曹偶領俗安土交游 六世五世祖高祖諱德用曾祖諱亭述祖諱義寬 罕出於境而公獨喟然遐眺懷廣交之志 樵菜菜雖少無可揀十一歲以母氏命學於隣塾 而躁九歲學書顛錯句讀又不耐火父怒輟教役以 萬重之女以景宗甲辰九月二十九日生 諱重詹安 受四十行衆莫不驚異之父始立日課課公公發 笈蹇縣從之萊州海上文士無不 入日本文士在行者多并 可湖重觀當稱以嶺南神童此盆城金 時之選

如宿構每入場屋環立而覵公下筆 領之人士推以為長善於教授教無貴賤親疎各當 益盛都下賢士大夫無不掃席待之然公 彌肆力為文章天才人工各自過 之才垂老無所遇乃自放於詩酒山水遇會心人 於是金布衣之名噪於都 才成材者多以故從學者殆居領之半焉讀書韻 南官乙西始舉進士年己四十餘矣游太學華 連忘返鄉人或訓之不顧也朝士大夫之至于 人為之語日青田娛鶴金子容公既質不 下公益厲意進取詞 人老而格力益 一者如墙然屢 不以自 藻

与戊島区長し行狀 能自資量宜掠妻財以腴已閔公奇其言己之是亦 按察領南憐公貪欲勒分其財公力辭曰丈夫縱 **酷貧漂泊就食而親厨不乏甘盲人稱其孝公婦翁** 髦吏部舉公副凝 見公之所交游亦可以知公也今 上嗣服搜訪俊 而余亦軸中之一也金侍郎至稱公以領南第 者如閔侍郎鍾顯李侍郎秉模金侍郎尚默鄭順與 驩如宿要與共唱和其所謂達句長軸亦 橋南盛事 持淳金庶尹履復俞判官漢是洪判官元變并一 同富人也田民华州而不能仁其女閔正獻百祥 獻陵泰奉而亦不復薦也家故

亂惟視老父之面沒以二月十六日卯時享年六十 父病不解帶二十餘日親愈而公病矣呼家人 始 錫達挾子厚謙勢為尚州收欲得愛士名因公門生 一志適 門沒乃赴哥馬公雖窮居草野常抱忠 服公先見少與洪異敏鳳漢好及其貴盛絕不至 日吾若不起誰能養吾親乎因使子邦駿 見者屢公終不往後厚謙以逆誅而錫達窟外 以見公之介也與人交終始不易然去就甚辨 而日覺吾胸灑然病碼不廢談文將絕 上求言草疏將上 一旋以父命止甲 泫 憂

野 し 長 し 行 状 爭 殿 累然 杖 直 來 求 公 狀 余 不 忍 辭 也 遂 依 公 自 状 及聞於宿好公者序次之待立言君子謹狀 達 公姓金氏諱相肅字季潤號坯窩又號草樓系出光 自號癯 **較季子光駿** 句相視便莫逆也一面之後遂成千古嗟呼惜哉 使請刊行其文集余亦艷聞公人矣幸與避追於 葬于比安機錦山艮坐之原有二子四女長即 沒而都下送誄以哀之者多領之從公學者上 坯窩金公行狀 仙以貌癯也晚居比安之東屏山下又號 一女適柳英綽二女適吕斗明餘切

益熙吏曹判書大提學贈領議政文貞公曾祖諱 萬均承政院承旨贈吏曹判書大提學祖諱鎮玉 贈領議政妣青松沈氏 性堂苑奉事

乙亥移司養奉事丁丑遷漢城衆軍性 公諱長生是生諱槃吏曹泰判 一判書大提學於公為七代祖是生沙溪先生文元 原道觀察使 照左贊成考諱元澤漢城判尹 新羅王子之後有諱繼輝司憲府大司憲 英宗甲子登進士壬申除 肅宗丁酉正月十八日生公翌年貞敬夫 贈貞敬夫人右片譚廷輔 贈領議政高祖諱 明陵泰奉甲戊

局 送 に に が し 行 状 備矣然間然自修無求於外若世之功名毁譽榮悴 年四月北二日葬於梨洞須甲之原此其世系履歷 生卒之大略也公天資近道得師於心未當以學問 城梨洞墓下 壬子二月十六日考終於丙舎享年七十有六以其 庚寅授黃澗縣監矣已遷永平縣令丙申解官歸結 郡守尋罷甲申爲翊衛司司禦乙西遷司變主簿生 宗簿直長工曹佐郎戊寅除狼川縣監辛已陛楊根 工曹正 居而謹守規矩敦行孝弟古君子之學識於其身 郎內戌拜朔寧郡守未赴罷久丁議政公憂 當宁庚戍 特教陞愈知中樞府事 十四

座若無人然遇會心人輒移席就之語言終日不一 忘訟獄以息去則常見思門戶門盛而公益謙約自 似魏晋名士腴司膴官視之若飛公會常屏處靜默 及除寢郎亟出應 必匪人有如掌吏部及易觀者無不愕然議逐沮 宰弁山水郡也至輒瀹井栽樹無異家居民吏两 失無 欲以南臺起之南臺蔭仕極選也有吏部官來傳 , 袍廳乗人不識其鄉相之弟相門賓客係從 公處前執其手以俚諧答之日君不通我南臺 一寘諸心而端居京洛類林野靜散之士時 命仍不復就舉居官簡澹真率

自成長ろ気し行狀 道目公公亦不自解也然公非耽老者也盖以吾道 恐其遇事觸發也先自欽避早歲謝舉實由此也意 已於其相反者憤嫉亦如之盖其天性然也於世常 淑愿之辨見古孝烈忠義之蹟輒感既泣下不能自 律身而以老道避世也公雖澹懷居物然内實嚴於 無幾微之見乎色平居喜讀易論語老子人或以老 及之也及遭家難廷論多頼公以行而於公則議招 物而家鉞自形於言外故其心日遠於俗而憾愠 所不合未當曲徇道有難伸未當自直口不藏否 識面者間遭非理之加未皆與之辨邂逅失官 十五

类公知識之有涇渭 盖意公尚在洛也公函來肅 常格而用之雖慎伎樂禍者議亦然即公之見推 如少微之在遠霄也庚戌 世 排銓繳而授之公樂善愛才惠好人 朝士年七十者弁許加資而公獨未之與 公不置 如在洛時沉冥自晦與世相忘然聲望之徹於時 可知已然公削跡都下從仲氏於楸下潛居靜玩 一的談笑從容風流弘長性不喜貴游雖或 屢發之筵席歎未及滌用乃官公庶弟 授 | 魚樞職使即日謝恩 元子誕生 命而逐公设而 土軍慶

与成長ととし行衆 學之工老而彌動夜亦聞誦古文不輟此公行治 時判尹公所賜也一毫未嘗求人筆亦手東以用 嚴善病以其精於攝養老益充健終致遐齡儉約絕 居巷也碑版家皆求之端雅古澹可知其有道者書 愛陶杜之作書法肖鍾太傅世傳稷下體稷下公京 老者多以公為歸文章不取藻飾緣情起辭情盡 止語弁玄悟有味詩亦不主聲律意到輒賦古詩酷 訪亦不往謝所與過從弁寒素之士以故懷才而窮 人問作字法則答日無他法作字敬而已少時清 飲食亦喜淡素一裘挾之終身靈養殆盡乃其少

藻繪謂是之學者舉世皆是也斯行道之末也而其 也則不然經焉而宗箋註禮焉而主儀節文焉而尚 經也所好者古文也禮則從簡非禮之本耶標置以 末流之樊而明者亦莫能出其彀也公則所守者古 行則古禮言則古昔古之輔世風俗用是道也今 高辭華以自街風議以相駕閥閱以相長高足以 也然竊聽於世之尚論者徒知公遺世之跡之高 則弁髦也至如牛李之黨仇崔盧之甲乙均之為 未知其救世之志之深也何以知其然也孔子曰 而好古孟子日君子及經而已故君子學則古

育成島 国 え し 行 狀 聖主之眷使公而在蒲輪之迂捨公而誰哉嗚呼是 大隱者非耶卒之哀壑幽光自徹 九重没而猶 而無其曆哀樂不入於心去來不見其跡殆古所謂 低回富貴之傍無土室之詭而有其逐有於陵之介 **陸調預非徵招貞不絕俗隱不遠親棲息都市之間** 然山野高蹈亦標榜之所越也公又避其名也風就 過虚空也寧為寒士之楷範不何為顯者之質的 以身救 也安時處順夷曠蕭散視世之聲聞樂耀如飛鳥之 **擅名達汗足以網勢利泉武之所競趨而公則不屑** 一世之終而莫之能也無寧避世而安身也 ナセ

盛老益不能忘也今承二胤之托誼不敢辭 亦足為 名於有道之狀謹爲之 著李源順箕常一子切公過愛吾文謂可與議於古 源女次箕書公以後仲氏女食正李者永判官沈公 作者之朝而與 李氏堉女生二男一女長箕常娶延安李氏郡守 坡平尹氏縣令之彦女生二女繼配淑夫人咸 聖世之光何必用然後得哉配 、聞其行懿本末亦熟矣少時知 叙次如右以俟知德者採焉 贈 照 淑

產素饒公游學京師父交遊亦廣而資用頼以不乏 とり、火 とこし墓誌館 及公連取大小科官達矣淑人之乘魚軒而從公者 慶州考諱必濟此拔平尹氏思稷之女世居平壤家 章名世淑人亦賢而有文佐夫子以女史淑人系出 雲陽之所有桃甲而上下封者其上 再終乃偕公隱於和浦和浦在浿江下流江山之 具馬公築書樓江上蓄書數千卷別起家塾聚徒常 公時恒之蔵也下則公之即淑人金氏也公既以文 **泝洄於練光石湖之間西都人士望之若神仙中** 八時花種藥養鶴貯琴樓下緊小舫暇 上故正郎和隱

穀與其文外楊其美書之于幽以補女史 葬禮不備鄉里悲之後三十有五年大中適守是郡 士大夫弁稱淑人之賢淑人没以 士德壽又乞銘於李相國宗城刻之墓道於是都 淑人草狀乞鉻情文曲備公因以序之公没淑 而淑人實共其樂焉其遭父喪也適公在魚川 十有六其以未亡稱者八年矣從公于附而亡嗣 公文集八卷登之録梓遣公門生乞序於李大學 改葬如禮仍為之誌其鉻 英宗癸亥享

三日以上にくれては墓誌の 遵祖 **《**文之未幾清人破自成據北京而天下遂為戎 明史提督又與弟如柏如梅著績朝鮮始提督公自 矣公時年二十七義不難髮乃與潘姓一人墨姓二 朝鮮還戒其子孫曰天下將亂矣朝鮮可以避地及 崇禎甲申李自成階北京 居廣寧之鐵嶺衛寧遠始以武功顯父子六人並列 忠之子李氏本籍朝鮮寧遠之曾祖英始入中原世 李公應仁之墓是為 孫少保征倭提督如松之孫遼薊總督中軍副將 准陽府西北長彌山下有塚直已其碣日上國廣寧 皇朝太傅寧遠伯成梁之曾 天子崩總督公與兄子

東休東白泰明出東馥東馣泰基出東輝生荒東華 錫泰善出東輝東華東葵東爀東燦東彬東秀東開 娶慶州金氏生三男日泰善泰明泰基孫十三人東 門言語不改華音每值 其家公遂與潘墨入東峽至淮陽居焉終身不出山 山巓西向慟哭終日云公初名應祖以避亂故改焉 浮渡鴨水至于漢師朝廷欲官之公辭日國破 脱身東出朝鮮墨姓者一人道妖遼東公獨與一 歩りきが 何以官為朝廷重其義不復强焉而命世世復 萬曆戊午卒以 肅宗甲午享年九十有十 **崇順皇帝諱辰輒上屋後**

戸文長と美し墓誌の 毅宗烈皇帝與祭者莫不異之萱之子光遇又看武 立摠兵公主定為不遷之祀 臣有以成龍之孫白即 逃入朝鮮子孫多居海曲 是總兵公如梅之子憲忠妖於深河之役其子成龍 助祭于萬東廟日 皇朝提督臣如松五世孫 矣獨提督之裔僻處窮山世無知之者 國陪臣泰安郡守李萱敢助祭于神宗顯皇帝 東彬生範東秀生芳東開生真曾孫若而人先 始得上聞遂登武科歷官內外其守泰安也 命錄用 肅宗甲申築大報壇廷 國家之崇報總兵者 英宗庚申

送不復應學家居教授者三十年以終今 上己 總督之子少保之孫曷為東來葬此荒原 被引見譜於總督公及憲忠行以殉難無嗣志之知 其東來而猶謂之無嗣者盖秘之也嗚呼怖矣鉻 不愧先人嗚呼百世之下日惟 在東者光遇受而蔵之上 海之阪有士焉日崔君天翼字晋叔興海人 小吏君獨自奮為儒及舉進士則日吾分足矣 士崔君墓誌鉻 一四年燕京李鴻文者送其世譜於宗族之 一聞之函命徵入光遇 崇禎之民 冠巾在頂 人也世

君吾畏友也我焉能師之哉及歸以其書籍付之 戸戈邑る长し墓誌館 長之至其邦者未當不延見見則必加禮焉雖驕恣 前以故知君者先稱其德而後其才申青泉維翰為 者無敢以地處侮之出入官府數十年是非一不及 材能尚人平居儀容甚肅語必中理戲狎者莫至其 俊亢多氣槩現一世鮮當其意顧謙抑自持未嘗以 之望然常自視若不足聞有賢豪長者必就見之性 十月辛未也年六十八葬丁龍田鄉負亥之原君 退賤遊學四方於書無所不讀文學蔚然為 日倅君費文而謁請為弟子維翰叩其所學驚

今治亂得失關防形便瞭然如指掌聽者忘倦盖亦 固辭也賓至必命觴賦詩風流動人遇可意人談 也 名郡稱崔吏知子君無子以是之子為嗣 屬恒飢未當見戚色居室破獎邑守欲助之草 門者是子也縱之遊 無意於世者也 初頗縱肆不循法度父俊傑獨**奇愛之** 而加麻者多與海僻邑也今多知名士君之功 人以是益賢之内行淳備兄弟五人共被 老而信從者益聚鄰州或開館 卷將剞劂之永 學不使服刀筆及長

上了成長と気し墓誌館 鉻公固余願也謹按其世譜曰洪氏祖太師殷悅 雲亭主人也没之四年孤仁協繭足遠來乞鉻嗟呼 南 靈芝無根體泉無源是惟孺子之鉻吾於君也亦云 則沒矣每過其墓輒駐馬人之遂為之路日 盛推君目以墳左偉人余從一君習聞君及至其郡 而不名言于道伯欲薦之朝而未果原城元重舉 可义為郡宰知君深以為舉世罕傷常稱以龍田 圖 陽洪公士沃篤行士也家居三陟海上余所記海 判書思禮麗末謫真珠郡因家焉於公為十一 洪士沃墓誌鉻

諱啓夏以 世祖 矣公號泣夜禱于庭氣室而入戶外有聲視之虎也 製廬墓啜粥三年晨昏調廟終其身遷葬亦廬墓三 以父居憂子不可居外徑歸事親一依小學及遭外 病革將所指為祖考所覺不果葬仍廬墓值祖考喪 辯重濂配江陵全氏通德郎始殷女寔公考此也 祖此崔氏繼母金氏至孝祖此皆病統醫技 親教動止儼若成人見者皆異之未冠遭内 日淳海日景業日尚淵公之高曾祖二世也日 振股若報喜者然祖妣病忽愈人以為孝 肅宗甲午九月一日生生有至性嬉戲

能公賣田而與之贖一鄉稱其仁家故饒以行善故 **貪然終不自悔屢空晏如也凶歲守宰憫其賢而飢** 第之初教學先於已子以其文才之愈也两妹喪並 官弟及嫂並沒於鷹公躬護其殯未或出避撫育遺 厚周以米則畱數日食盡分之隣里曾阻飢數日嶺 以家財險葬不使其夫家費族有遠配當贖而貧不 孤均於已出撤屋材蔵器用待其長成築合居之如 益夏穉而患痘幾殊公扶抱禱祝經歲不懈弟頼以 析居哉且從俗古人所不免也然連屋共被無異同 生長而求異居公歎日我無繆形之德安能止汝之 与成長 に に と に と に と よ に 路 路 路

鄉公憤甚於已讐相率毁其屋逐之公力止之 客有至者謝無以饋客出索米數升求與共飯公笑 南禮法之家亦自以為不及李咸昌憲洛目以關 其人或來則待之如常日渠直誤耳恩可絕乎雅性 知其前夫亦姓洪也即出之隣挨有誣公不測者 也整索與之公命盡具粥渾家共哨朝夕仁及比隣 而客亦不異供也其介而通如此老而鰀卜妾父 了家不食有日君我可獨飽耶客亦笑日吾固試去 退未當以學識自處而視其行則為學君子也領 子再登鄉解屈於南宫邑人以公孝行共請於府

觀今上甲辰十一月二日卒享年七十一 出庶子仁恰仁悟女適崔啟穆九睦元睦仁博子 **陵金氏同樞聲重女子仁博前配出早卒仁協繼** 山預辛之原從先兆也配江陵崔氏桑奎女繼配 鄉飲禮延公為質深太大帶揖讓樽祖一邑以為榮 求達諸上者三卒不果達李判書獻慶為三陟宰 一葬于屈

於公也存 孝友謙恭須安色温身無擇行口無擇言我思古一 .

可发長日長し墓誌盛 慶州金義土墓誌銘

二十四

草野豈乏妖義者哉特思無地爾 **奉過公與里人十** 北上慶直 如渴赴飲肉食者補或後之悲夫盍觀乎壬辰 州金公應澤其一也 以為重東來金廷瑞青松金聲遠義城朴茂 北山木蒙密線徑通 其衝 知倭 狗盟公武勇冠聚千竹亦壯 了何擊殲之 ·餘潛踰山夾路伏賊至急擊其背 州 可擊競起從公公乃與 民不魚肉則鳥獸魔公居墻 永川倭十七迹之入公 間數日倭數十 萬 曆壬辰倭陷 一或得當必以身 夜爽

三日以三日とし墓誌銘 倭頭科公甲格而不受紅牌以倭未於也連戰永慶 戰慶州金蔵臺斬三級射殺賊無數千竹中九仆 平床原止軍單騎至家謁老父即去癸巳戰倉嚴斬 川斬二級戰獨子嚴斬三級仍擊土賊之出掠者抵 數我軍死者亦六七人遂赴權忠毅應銖陣大戰 家辭親起兵大寺洞想二百六十人戰難川 安東盧義賢行忠勇人也聞風而起樂與相應公 而去自是千竹病不能赴戰公失强輔矣是歲設 級射殺賊無數薄賊蔚山鶴城斬六級上 龜尾山覆以落葉納之以涎有頃而甦復質至 十五五 兵馬管

鍊 開故也公亦不何自言事遂寢只除訓鍊副正至 尋公屍不得乃招魂返葬于鵲店質艮之原是歲 軍 十二人次弟登科而公獨不與防禦使未及 獲 西生 遇 午戰 自是至丙申不下數十 四級射殺者三十餘戰四岳前浦斬四 賊大風急起公殊灰戰 圍數匝公奮力疾闘 浦 死公外之十九日量婦稱孤跋涉至戰 永川臨阜殺賊不可勝計永川別試 力戰竟日矢盡劒折外之權忠毅從弟 頼朴 戰 賊 丁西十二 茂先權 披靡退乙未拜訓 月四日逐 應 級 福 救之

正 大 に と と し 墓 誌 鉛 子景龍軍資三簿後 以嘉靖辛亥生以孝稱死時年四十七配永川李氏 重門下贊成事無集賢殿直提學英為十世祖入 一曹称議得元生德俊 德為九世八世祖 有郡守 夫太子詹事龍庇於公為十 死倭亦捲軍逐公字就用義城人高麗金紫光 知中樞府事以壽推 贈也曾祖希達祖億考順悉其子殿 贈兵曹判書之銳判事 以七世祖用超 贈軍資正景龍生得元 贈漢城左尹德俊生漢 恩三代漢起生慶鐸為慶 世祖奉朝大 錄 贈 吏曹泰議 太祖原從

之外事者幽隱畢彰貤旌博被而公獨佚焉然傳公 不在此也今去壬辰百九十有七年矣盟錄尚在 故賞弟則去之若浼力闘六年誓於國賊妖而後 匹夫殉節外國也榮後千百年識此孤塋 家首書金廷瑞權應心亦在焉故紙破爛猶可徵 百世之下亦足以識公志也然 國家崇報節義領 河陽縣監李公以疾卒于官在任才三月耳及其 **總免親者十四人不能盡記公之倡義非志於功** 縣監李公墓誌銘

濰成陵府院君諡忠靖祖諱人松陰城縣監考諱 瞻 巨り以上くえて暴誌銘 軍彦其始祖也高祖諱效元以大司諫論孽臣李爾 足以答天分也公諱喜復字士休咸平人高麗士 其季也始咸陵公以布衣恫念家 勃修潔克世其美世稱李氏家法公薰冰庭訓性 捷然乎哉嗟呼公居則為善士仕則為良吏斯亦 朝民吏哭送之甚哀义其頌不衰也非仁 配巨濟 川縣監妣坡平尹氏進士斗宗之女寔生三子公 動而視功名若免自婦以終身以故子孫皆謹 仁祖御極始還屏居田野以終曾祖諱 一十七 國之難與於靖

性廣興倉奉事辛未遭連川公喪乙亥授吏文學官 世稱其賢而謂公不愧為難弟已已除典獄寺泰奉 養於是世又以純嘏艶今氏公長身烱眸言笑簡 勤學文藝風就然病世之以街灣招名者常退然内 氏又登第歷官中外連川公壽考康寧備受志物 飲未嘗以文學自居然精華之外發者自不能掩 十舉進士未幾伯氏喜謙仲氏喜觀聯舉進士伯 見可知其仁善君子也仲氏木川公清修豈弟舉 服関授承文院製述官未幾監蔚山牧戊戌知河 遷尚衣院别提戊寅監牧與陽辛已遭母夫

僚官盡以公事出公獨當直事集如織而無不同辦 族不以自腴居官務盡誠動其在尚方荐當 与成長したし盗誌銘 陽素稱腴牧而公為更其債自食者鮮解官仍赴 庚之原公内行純備孝友天至連川公性嚴重公左 **公射執藥餌未當去側遭艱舉家就食於鄉而獨** 右承事未皆有子弟過親意甚安之母夫人多疾病 下茅屋麥針安之如素京倉例有贏米公盡散之親 京廬以畢三年伯氏罹竒疾飲食之費債用以積車 戊戌五月初七日享年六十有五雄于水原治北百 陽縣公以 肅廟甲午三月十六日生卒以 當宁 ナル 國恤

老吏驚服焉再監分收行有民頌河陽俗鄙惡分黨

爭開以息配東來鄭氏縣令世茶女有婦德先公十 次鐸女適清風金在默内外孫男女皆切徵余銘者 三年卒科焉生三男一女長鐵進士主簿次銖早 相軋或兄弟反面交訛公具曉之以道理悍器馴

孝友恬潔以承其家推之 於政善士之華

白陽川墓誌鉻

英宗乙未余守雲山識縣尉白公風標聳拔一見 其俊人差乎材俊之生豈有中外遐邇之别哉直時

講賴此人洗之是亦關 三人ととし基語の 鑒名榜稱得人而公以妙年與焉唱榜之 賦進退七律藻采動八二公甚加歎賞及其從仕 宗城牧谷李公箕鎭以新舊道伯涖試二 京北之吳尚顯張達星西之李斗運南之田永受弁 入殿講講記 南高裕上殿通講下殿作賦余知其奇才今日之 遐鄉巨手名世而公又優與之上下時譽歸之當 於予馬椽曹之伍擢 不用耳如公者安所用其材即始止以詞學自 命誦公科製 四奇才有給馬之賞出為日 英宗丙寅道科梧川李 一臨筵發歎 一十九 公雅以試 日命韻促

監 均於 舘 秀者前推 館典籍遷 要 一年 事官春 一一解 日公處小邑 風 與 節 、余遇欣 亟 則 李 司 逆 而 歸 遂 外 德 一稱其能鞫 勝之 憲 川時 艱 府監察刑 不復仕雲山山水 て亥充 臨 而黑白太 相合談笑 恒後 江置小亭調 訖 曹佐 則 日 承 政 推公 命 院假 郎 鞫 以 之 陞 間感 三六品 然 公記注 明 琴 觀魚常 麗 注 · 丑 拜 公之辭章 類京洛 慨 官 書 四 傅宣

三丁以上に大し墓誌館 樂天故事與楚山金健朴采鳳渭原朴致采嘉山 漏寧邊吉衍同郡李晉夏金澤麗及香山僧六坦設 四傳為盛 九老會於香山留像普賢寺移書千里求記於余關 閣之選而公則忘於世父矣孰有舉之者惜哉老修 余至今服其言盖鄭厚謙以權凶誅而洪國榮繼 與余借歸臨行則日聞朝有大厚謙豈吾求仕時 權甚於厚謙故世以大厚謙稱之未幾國榮亦敗 **髦迭升余語公日公今則可求仕也公亦首肯將** 事已酉以罷散之义拜 上益求遐外之士關西文官多至臺 莊陵令不就

隨城伯東還始貫隨城子琚以微告徙 之少也頁笈夏棲寧邊靈驚寺適少出暴 工曹泰判 居焉高祖諱嗣文以壽授通政 卒 樂院 盡沒而公獨免人知其必有異也葬雲山之延 世孫天蔵入元登第官至 避宵 超 授嘉善階公諱大成字君集生以 正祖 當中辛亥得年七十四 誣 兼 入新 講時增 衛 羅居雞林紫玉山號松溪其後 都總府副總管三世以公貴也 贈 工曹於議者諱昌道 一翰林 階 始祖宇經唐元和 曾祖 學士元順帝時封 雲山 惟 肅 雨山壊寺 朝戊 子孫

寧邊墨方山子鳳逵公没之四年余復至西邑道過 馬山負王之原配廣州李氏恒成女先公八年卒葬

麓葬此俊民我鉻其幽以詔後 生長老妖並在 清時 雲山蓬為之鉻鉻日 一縣雖小猶見厥施雲陽之

渭原姜生建恒墓誌路

為行之士多在邊鄙以其外營寡而内的專也以吾 所聞見如朔州之崔郭山之金并西土之選也皆已

惜乎已沒矣君生長邊塞非有文學友師之益而居 仕於朝金則吾亦志其旌也及官渭原得美君建恒 巨円以上にしたし、基誌銘

保若嬰兒以故不入妻室十餘年渭俗以為美談病 處常若見賓雖 意親養父 鰀 居善病君晝夜 不離側寢則抱之 則 友天至兄弟三人供奉老父君其季也给其家私 雅粉自合禮律切時見人後服羞不再眄暗 耕獲 日皆其糞及喪險葬以禮廬墓二年忌日哀毀常 括時祭盡其敬郷里法之篤於宗祀置祭田 釋菜致膰之日必齊宿於外盜當入庫被逐 人雖賤必下馬禮之兄弟衣食與共平居 以助祭或有故不與祭則衣冠而坐至 逢 暴雨未皆疾步見者其不異之孝 朝出

履之謫渭原知君篤行亦以文褒之然僻處遐荒 考雲賢以孝稱祖萬昌嘉善大夫曾祖厚 齊有文名為郡禄以康直稱銘日 謫宣川子孫遂為西人妣金海金氏香楠女以 原娶密陽李氏目柱女子亭齊弘齊女適宋繼殷亭 里推其仁鄭尚書實為道伯致問饋以米酒沈侍郎 遺其帳籍而逸家人獲之將白於官君取而火之 朝甲寅生 當宁乙已卒壽五十二葬南浦須西之 再 大 に と し 墓 誌 路 厥懿行生彼荒裔董不遇韓易稱於世 一聞不得如金崔之通籍惜哉君字與浦晋州 ニナナニ 自河東

持平鄭公墓誌路

票編又謹書公事公之名遂百世矣大 甲亦與有柴 嗚呼盛哉公以 崇禎丙子十月其日生幾三朔而 粹書之尊攘錄及 正宗丙辰大中奉 鳥川鄭公諱好謙字謙二大中之王母之外王考也 父砥平公諱複無子取以為子公遂主两家祀稍 以孝義 有金虜之難父諱梧避亂入江都明年正月江都 於廣母泰安李氏與公在海州庄抱匿之兔伯 稱 孝則 贈司憲府持平義 則陶養李先生 命編尊周

都事則輒悲號不止十歲從砥平公入京適

日人民人人人人意識節 甦後十八年而終公廬墓廢粥三年制畢直往江都 韓日必飯疏性至孝母當氣塞欲絕公割指灌血遂 公者哭解舟人無不灑涕招魂而返復廬墓三年上 孝廟有志北伐欣然獨喜日吾志今可成矣乃賣庄 之遂終身太不苧帛食不滋腴嘗以古戈自處聞 責之日房殺我父家讐也滅 大明國讐也两些未 孝廟薨公痛哭日天不佑漢吾亦已矣每遇 孝廟 土潛購戰馬具或服子亦使習鳥機欲與之從軍及 復我稱弱終不能手強其使豈恐觀也聞者悚然里 使來觀者填街公奉從兄弟要與出觀公方食推案 三十三

當委骨原野汝等必不從令宜以素服薄板剃不用 舉葬勿築灰母重吾罪也子孫從其誠 道臣上其行於朝遂蒙 食朔望省墓風 食適乏肉忽飛维入厨而伏取之以供王 潔學問者有不及也家素腴喜好濟人解族皆依 月四日卒享年八十臨殁誠子孫曰父體 而活雅性和厚而嚴於嫉惡不少假偵隣有悍悖 每偷牛潛屠遍饋隣族有不與者必刃刼之夜當 目睹如此大中又親聞於王母也服 雨不輟哀慕至老彌篤 貤贈公早孤失學然内行 景廟辛丑 肅 母冲齡從 不收吾 廟乙未 闋 循蔬

白山火島と大し墓誌朝 然殁才七年而列於 朝家之麋徵手百世而備於 愧於 誌 墓 矣 路 日 儒賢之策非至行之格天然乎哉大中幸備彌甥無 贈泰判曾玄以下多不錄嗟乎公直海鄉一下士耳 州李氏尚達女配廣州李氏徵相女子念贈承言 寧府事霮祖 贈右議政行判中樞府事應聖此縣 女適李公維賢大中所自出也念生光孝元孝光孝 雪谷先生講保公之九世七世祖也曾祖 贈判敦 盜亦不敢怒而去鄭氏世篤忠孝圃隱先生諱夢周 包肉而至公方卧背面責之日過去吾豈食若肉耶 二十四

京安東の考け 孝登褒籍義著惇史鏡之於石以報泉隊

試太學士雷淵南公有容舉其賦以題多士矣已除 盖其家學然也公傍治舉業 安定羅氏代有名德至朔衛公振之以學是生二子 公獨老壽盡其才學類漢儒之專經不屑屑於箋註 日烈字子晦次日杰字仲與並有盛名於世而長 敦寧都正羅公墓誌銘 英廟癸西赴進士會

除童家教官壬寅陞通禮院引儀轉義禁府都事癸

出為連川縣監政不吐剛而求容以是見點已西

獻陵泰奉坐徽事罷て未復

貞陵恭奉旋罷庚子

獎不宜沮於是或人赴於監司而又不得乃許諸時 復內資寺三簿始翊衛公外於 訟於官者人矣公至則日書塾慕聖賢而奉畫像 銓曹擬之甚善旋移工曹正郎以輪對官召見 事獻規後公没之四年 行成能人民儿墓誌盛 戍除咸昌縣監咸俗喜仇爭縣有新安里塾奉 夫子及尤菴宋文正公畫像或人嫉其宗文 爾聞之乎惜乎爾不由科甲進無以盡其用也 先世子容受爾父之忠言予以此載之 正廟見公首擬諭銓官日予欲録羅其之 英廟重加歎惜 獻世子官僚 顯隆

盖咸邑甚春孔道供億專藉倉穀秋則償之襲謬既 像移奉于魯城闕里洞而誣計者付道臣查治公以 臣庚之而罪止削職及丑叙復義禁府都事旋號 其豈避罪瞞上者予非惟念舊也 命還之官畫 於新安時相復以閣令力請公罪公卒罷官就 公則未秋而遞雜 畫像未宜奉於闕里騰牒監司轉報禮曹得 當宁册儲拜朔衛司衛率至京以眼病不得 何供上即放及冬監可以咸昌逋 一請撤院而罪公及逮問 固未完及置對 察其實令 直其對 同 校 長 た し 墓 誌 銘 皆盡室入茂朱十年乃返詩宗少陵書學右軍奇健 奥妙季氏亦然晚與余好屢顧鄉廬常慕雕家炊 孝悌祭則雖所寒必沐浴致齊至七十不解與季氏 居則不立崖異汎愛甲牧由由如也篤於內行敦尚 同居共學寢必同被食必對案雅好山水三入金剛 去之若飛與人交終始不易門戶町畦無異視也鄉 道里費而遣之公氣峻性夷處颸不爭居俗無染然 毎獨學遐眺有揮斥八極之意見世之齷齪在厲者 公年七十加通政階特除敦寧府都正及歸給乘及 一命遞職捨格給祿濟其旅食時有優老典

有韻 블 之怒欲因府規罰公公笑曰何事乎罰我固将去 權貴適有貴人之妹婿為僚郎以府規設饌會諸僚 其以衛率入京年老眼醫行步資人然鬚眉益奇古 公意其出婦家托病不往與余出北屯看花其人 是時秘省會者多名士然常行公而為重公素不喜 可以俗僚待耶亟使之推謝而還其狀罰公詩 投狀乞遞七灘李匡吕亦高士也責其人日是公 會及余人直秘省公在禁府每公罷輒過余竟是 觀者皆集余家臨別絲竹以送之廣陵遺響從 以两解之一代名流多和之者傳為禁府盛

公生於 整之女配鎮川宗氏基孫之女子後野娶掌令崔履 世不仕考諱蔘以經行薦拜翊衛此蔚山朴氏進士 官尤蕃宋先生稱其文行祖諱後監役著洞玄易玩 亨女德野娶李顯廸女生二子女適李貞中李宜秀 此絕矣嗟乎世復有斯人哉公家之為官僚者五世 壬之原誌墓公實屬余路日 可以是人人 仁祖朝高祖諱星漢 而教官則三世也五代祖鷗浦公諱萬甲氣節著於 正月初七日享年七十有三 英廟辛亥十月二十五日没以今 贈泰議早卒曾祖諱頑佐教 二葬於大與捕峙洞質

特立直行心雄萬夫天賦之豪世謂之污其道也古 亦如二子雲之知後我其誰

碑鉻

永豐君夫人朴氏墓碑

故永豐君諱泉夫人順天朴氏葬在忠州德防枕 之原夫人考刑曹称判 永豐君 祖吏曹判書 贈吏曹判書安生此天安全氏都巡察使彌 世宗第十六子也 贈左贊成諡文愍公仲林曾祖 贈吏曹判書諡忠正公彭 端宗乙亥閏六月乙

卯與母惠嬪楊氏同日被禍惠嬪實乳養

其事者弁加褒恤惠嬪 南亦惠嬪出而與於福也世球又死無後洞版寄宗 贈永豐諡貞烈以漢南君跡八世孫世球奉其礼漢 明宗命復官子孫世襲 禪授之時引正義守國璽永豐適以雲剱入衛故首 高陽大慈山後迷其蘊 夫人年八十三没於弘治已酉季氏為之葬夫人以 弘治八年乙卯卒葬邇其母李氏世護其些永豐葬 所歸挈一女往依之女嫁萬戶李襄孫仍依其家全 及焉明年而有六臣之事全夫人就拏忠州夫人 中宗甲午復永豐宗牒 肅宗戊寅 端宗復位· 賜滥禮葬 英宗乙丑

碑官其嗣孫幽欝畢伸忠節益有光矣 下始無餘憾而獨於永豐猶未之盡也今則設擅樹 告夫人墓地乞下道臣修封 上始悉其故特官正 以正華繼永豐後今 上已西李氏之裔箕炯上 子在天令求永豐墓竟莫識也乃築壇大慈予 望修夫人墓而立碑志其蹟嗚呼乙丙之禍 乃桂陽君增十世孫也人之事聞死 列朝崇報忠節宣揚幽欝百世

見師器重之卒以衣鉢傳焉師貌和言約戒行精嚴 内典秘與靡不貫淹而尤致力於金剛圓覺二 坡和尚於香山坡實西山五世法孫也風以者有 父母入姑射山祝髮受具於真策長老居數年泰雲 慧絕人初學輔屈其曹偶然嬉戲常作佛事十四辭 欽俗姓張生於安州其城也圓珠見母夢云切而聰 重於國中而近有幻菴法師者實王山盟馬師名差 幻卷法師浮屠碑銘弁序 師 倡教香山法派宗風代有山門以故香山

活淨澈類師之性爰貯石鍾厝于西山浮屠之 密布靈骨燦然門人道一 師 會輒千餘人 餘年皆三設華嚴大會四方風趨執策升座而聽者 無待於外必裕於内師之嗣有教宗而四衆之尊 不云乎遇緣不動對境無心則不孤我矣言說而 也 也有以哉余則徵諸 抑師之誠弟子曰浮屠外物徒役人耳我則 英宗癸已也禪臘六十有八茶毗之夕祥 也弟子 人將寂沐浴削髮正不命其徒日清凉國 服是誠矣然卒浮屠之者奪師道也 一立禱五日得舎利 一也鉻了 一側從

浮屠何湧舍利何沉是師之幻對境無心雲歸上 月出西林是師非幻道在香岑鏡之於石以暁來

予美日 績公之視役便衣非優雜跡春鋪寄宿近堤之間晨 **溉與海傍海而邑澤農多而溉源少邑民病焉** 提日太平日松洞日柿木日都沱日德城日余峴 宗壬午今統制使金公求殺以郡守至乃築十有 生民之本在農農之本在溉故利民之政莫善於廣 與海九隄紀功碑 「城谷日小長生日大谷而南星則因前人之

出昏息手桴鼓以倡作懸錢布以賞

勤具牛酒以

提沄沄民壓其惠义益碩之公安東人以武舉歷 當公費其惠不止 幾宥還置年 金尚喆亦助之 閩 盖賞其不欺也 愿為之 外哉惜乎公則老矣與海之績直公之 如治 所至盡力民國 重獄置 提成太平之趾捐栗百 軍之法衆皆樂越 對如高允之直 栗百斛歲收租 而除郡旋擢之 漑 也小長生大谷二 朝有成績時護以我垣待之 聖上之勵世 役 t 一湖閩 必先 數 始以其罪罪之未 十斛 購受溉之 如此為臣下者就 期用 不踰期授統 一提合 属さ 民之隙) 民 祭

也郡 也然亦可謂識農之本而勤民也宜民碩之人不 中適守是郡因衆請而記之辭不必修特書公之 民舊當治禪圖紀公績而文未具後二十餘年

受知於 聖上者以告與人

祭文

祭林華伯養浩文

雷與信宿寒燈照書四山寥寂子誦其詩響撼水屋 記余暑時見公叔姪凍展叩門松節堆雪先子迎笑 往往逸調楚騷燕筑大阮和之風韻謖謖我坐其側

喜欲狂舞公亦愛我捨年而伍遂與過從届此皓首

四十

林阜 寤寐宿昔病楓殘菊助我悽 **群胤零丁獨抱父書尚真成立食公之餘孤懷悒悒** 素琴猶張能復語言與我疎在清揚在目伸也 差池鴈塔乃居吾後夫既窮命又何短齡祥線未關 湖趙公之親返自海上就葬于龍津故吏昌山成 惟遽冥哀音跨塞官燭涕零及我還山臺草再霜 冷閒里社凄凉竹林之悲復哭山庄芳塵未沫 祭永湖趙公文 公東槎攀公知顧愧我詞華空山落木雨雪交 以雞絮之奠痛哭于 靈筵而告之曰昔以文 惻 可忘

積雲陽之訣我淚先涓嗚呼哀哉尚饗

祭遲齋金先生文

返乃 哭于墓遂而告之日嗚呼人天之合是謂之學 進 齊先生 棄世後三年門人昌山成大中始自西邑 不有人交易證天則稍歟先生後百世作厥惟為學

本之於易易之為書代天立極上為日月下為河岳

獨追古昔河縣之點庖儀之畫心究指摘縷理銖積 義以象燭燦然天秋是徵是度九師分裂斯道遂錯 幽則鬼神明則禮樂彌之六合卷之 傳義既立理象方析微言與義後世靡晰先生特起 一握微以數顯

自成長と気し祭文

四十一

著龜於式小子不幸乃遭此盡攀海升春愧我不 洞陰之朝安昌之夕江山雪月助我清寂風流間發 程朱之後有此箋釋羣經會源百度齊獨假以高年 萬理俱雖觀其會通于禮三百孔孟叙述處夏史榮 瞭焉在目是惟先生師心獨得發之為書家象是索 如輻三十共輳一毂古經之學於是乎復天人一 場合ララギー 重役非求人知盖以俟百小子何幸獲侍丈 解若夢始覺推之說卦海然水釋象數初炳 一縣积棘多積寡享為世運城胡不期原 有弟偕隱安此黎藿麟鳳之輝貯之丘

行文是区をし祭文 尚冀冥佑誘我晚讀未卒之業庶幾追續先生有靈 成書盈東行治之文嗣胤有托小子奚述奉以踧踖 鑒我悃臆 墓草再宿入室俊然左圖右籍講誦之迹宛其如昨 亡矣喪矣不可復矚筵惟已輟典刑逾邀曷慰余悲 全書之托半道而畫尚我致職歲常一 一觀今來號咣

	and the second s	
青城集卷之九		高·克·

青城集目錄卷之十 市成是以关一目 哀辭 康衢老人吳公哀辭 **高菴白公師周哀辭** 玄川元公哀辭 石堂金公相定哀醉 鶴洞李公哀辭 李童子天奏哀辭 雪橋 安公哀辭 桂塘李進士衡带哀辭

徐訓將有大哀辭 鄭公執東圭哀辭 洪公晦顯主哀辭 吳伯深哀辭 金大司成方行哀辭 貞夫人洪氏哀辭 松嚴李公哀辭 李懋官哀辭 李斯舉哀辭 瞿圃李汝亮哀辭

	慶州鄭生健弼哀辭	み 辭	
			11
-			
	万文是V 关二目	(の)の は、 一、	ALAND TO THE TOTAL PROPERTY OF THE TOTAL PRO

青城集日			市場の
青城集目錄卷之十			美一
			An of

青城集卷之十

昌山成大中士執 著

桂塘李進士衡带哀節

昔余東遊襄陽得一士焉日桂塘李公衡喆時公纍

遏公亦使其姪海靖勸余酒數杯以别及歸京師家 然在疚不得與之話言然察其眉宇隱隱有氣不可

宰趙公問東士之雋者余輒以公對公家起自東海 諸父昆弟並以文學名世而公尤卓举奇偉質不羈

之才氣宇軒昂風骨俊竦一見可知其為湖海之

一声地生の光十 也其為詩文縱橫奔放頃刻千言雖一時所謂才子 巨匠莫敢與之爭勝而公又濯磨淬勵振其才器 發之詩磊落言議本諸學特立矯然似孤鶴毳下產 襄陽山水絕奇峻左有滄溟右雪微天吼峰翻萬千 乃爲之誄辭日 而未果其没於京即余持服在鄉不得往明後三年 得當於世卒窮鎖以沒嗚呼其命矣夫公於世 可人顧獨倦倦於余余亦一見相投常欲從之遊 濯有美一人生於此眉觀森然挺稜角崩騰格 削出空中列剱與風濤日夜激盪酒悍石穹嚴流

古之清士多自放於山澤之間窮餓困約沒身而不 雕斷悠悠我懷豈終極 倏忽歸去凌上處呵叱神鬼萬里踔俯視塵寰拊 推之不少負胡界文章與禮樂布衣翁笠放歌 雞俛而啄用作時需熟與京干將穿匣玉出璞 笑千世功名眇一握名山大澤返英氣依舊真形謝 悔者是固分也竊怪夫天之生 「泉清出山濁有時奇氣露眉睫公則頹然不自覺 世悲陳此歌詩警醒 蒿菴白公師問哀 哀解 東海空矣幕天邈匪 許 鼥 Tanpon I on y 一夫人也所以賦界之 廻

焉其故何哉嗟乎是亦天之道也天之爲世治也 周公之富貴不如孔子之貧賤周公尚然况其下者 界之富貴之人為世教也必界之貪賤之士然富貴 故富貴而盡職者兢兢業業無一時之或逸荷或反 而行道者莫盛於周公而患難畏約亦莫甚於周公 万其憂王室而愍流言也豈不美白屋之士哉故日 其清修獨行之士褐衣疏食槁外窮壑宜若無稱於 然則天之富貴人者非以榮其身也乃遺之憂也 小則辱大則殃適足為世誠也尚可論世治哉若 如彼之為而乃及窮餓之困約之沒身而不少惜 拓不偶卒於無成而齊郎之擬凡十有一 者薄於利天豈有與奪哉惟夫人之所自取爾然君 有盛名於世富貴若可以俯拾而顧乃清介自守落 子終不以此而易彼也吾鄉有蒿菴白公少以詞章 柏也窮約所以表清士也豐於十者嗇於命後於名 輕貧、展而重富貴者亦可以知愧矣霜雪所以表 莫不容差興起想見其爲人斯豈非世教之所由 水考槃不過嚴穴窮餓之士而百世之下讀其詩者 耶梁齊楚趙之卿顧何足與於此哉觀乎此則世之 世然流風善俗之持世及人反有勝於顯榮者故必 之粹者先君之喪公亦為之挽矣今公之歸也大中 清士不可得以見矣得見如公者亦足矣使公富貴 處約隱于兹鄉特稱公之清操而評其文以爲得柳 有補於世固公所能而天亦界之也倘所謂義命者 顯樂得意於世天固不界而公亦不能也清修獨 非即後之尚論者必有以處公也昔我先君子懷道 挹而不可引也及其没也世之知與不知無不差情 而終無然尤之色時人之望之如水瀑之掛峻崖 日高士亡矣此可見清操雅韻之入人者深也古之 命信乎其命之窮也老而貧病益甚或併日以食

亮盖引之自贊吾於公亦云爾然布象不斜所以正 其終也夫然後吾知免夫嗚呼百世之下庶幾有讀 黔婁生不云乎不戚戚於貧賤不汲汲於富貴陶元 公之文而想見其平生者數 可無一言哉遂救游而為之誄誄日

士之意及壯始得遲濟金先生而師之因以識上游 余少而狂愚機志於學便有縱觀天下書交結天下 雪橋安公哀辭

賢士多矣最後識言橋安公焉其會面也不過一再 所與往復者才十數紙也然其相與之深實有終身

翁盖皆學於公家而得其深者公得其博者沉潛手 奇遇耶余於公年輩差後居亦相間未得早與之上 得其人者鮮矣然則余之獲侍於公可不謂之曠世 以行其志學足以制其力識足以明其學文足以發 可以建功立事處則可以蘊道立言惟其如是也故 其識辯足以張其文夫然後方稱成德之士而出 才足以濟其質氣足以充其才志足以即其氣力 不可忘者盖古之所謂士者吾皆得之於書矣必其 、經洗濫乎諸子而至於百家析數之學未始不 然其家庭淵源之為平生學析之富聞之熟矣運

后以 長 大 夫 泉 蘇 **韜光彩雖然自掩而不得也吾當聽其論** 乎其止於此徒以文章顯以隱逐稱也嗚呼哀哉 者幾希然其聲望之出世如龍虎之蘊奇變珠玉之 故其所成就若是其大而卒乃捲而之窮山絕壑 力量之雄健辯論之宏確俱足以將其學而振其 可以凌百代而上之盖其才識之沉實志氣之卓 一嚴耕川飲鹿豕隣而土木形也其不為樵牧之有 使出 外侮尽士類而破淫朋以輔吾東一王之治而惜 而撮其要發之於文章雄深峻偉光芒震耀 而有為庶乎其尊經術而點異教重國勢而 五 而窺其與

也無求而相恃也而乃反間渴阻閡不究其所相 復意氣相投雖使不知者見之亦可知其言外有事 心其不就職盖亦蹈海之義 下士者而世或慮其難繼 八源之憂憂分也今以後公之事畢而吾亦 余往則公已來矣古人信息之相感其如是否 足以曠 邂逅於原州也藉草少話便視余以莫逆詩札往 恨也 心而蟾 世 已公平生言議常以 相期也夫並時而相值也不期而相 洲之遇公弟寄聲相問未始為期 也名太盛跡太奇余亦以 也高風奇節信所謂 孝廟尤翁之心

馬更何賴哉嗚呼痛哉故作誄辭以叙余哀而辭則 之没而上游空矣遲翁之道孤矣丹江閔公公之執 我思古人宿其遂今晚而遘公適我願今貫穿百代 以招隱之遺焉其辭日 後世稱之賢於子雲令公有子真之高潔而文章則 友而沒又先公一月則君子之運否矣若余者侵侵 可知也若夫窮通時也脩短命也君子何憾焉然公 加之有子雲之文章而氣節則過之百世之下今生 言於世也音鄭子真耕於谷口而名震於京師楊子 雪書之其榮寥寥數語爾梁齊楚趙舉失其富貴而

石路脩 獨立孤吟標高揭兮悄兮栗固今忽差不可以久 寰兮孰為容與老親在堂今兄弟哀**叶朋** 曾以是為 總文獻今蔚乎其有欽若無今巢步篠武背泉趨 豹之姿得所逋兮東山之幽 元氣今玄初赤松為君導今列缺為君御所 悲懷哉先生今百世以為 妙蒜州母菊畹可娱兮可處易 今熊學次屬百鳥歌今木食澗飲聊 燁今其靈指指今其 不深今遂即萬鬼而為廬欝青霞兮脩 儀 期 目存今道 桂 樹稠今澗谷谽 不少醫肆 俱 知慕竚 淹

我之窮極其命天關其生積聚之多也種植之 世德之家必生異材天所以豐其報而行其類也 兄之教益之以師友之助澡淬刮磨盡其天分然後 則歸各於世小則致愍於家等之乎天道之征 方稱其所謂材者成之之難如此而成之未至乃 而輕棄之若仇天獨何心哉於是氣數之說生焉 材之成也實難盖其得氣也精理才也篤滋之 何罪焉吾鄉有李童子天教者其家代有令德堂 公以名節顯永膺公蓮峰公以學行著 泉解 也

清氣清而完者絕少不幸而垂運掩之則清者先蹶 歲能屬 遊都下胡使適來同州邀與共觀君愀然不同 不欲 天之生之難而折之速也世德之報其若是耶 門戶出而需世必能神益風教而不幸短命死命 售也人莫不驚異之差乎使其長而立家必能光 烈重 以怠善而勸惡也天得無憾哉雖然才之生也 生有異質纜平而孤伏母氏 生母氏止則止母氏之不以毀殄者以此 文伯父梅磎公教之以義方華聞日彰七歲 門八旌輝辦乎吾東其世德之 例母氏哭 美如此)則輒

昔我始冠見君詩社君時總外貌甚潔雅發為文辭 嶄然者多君之後生也而悲君者未己是亦足以知 君也嗚呼惜哉辭日 君之墓木已拱而余亦顛髮半蒼白矣鄉里之 以不朽君先君子亦皆為之謀余亦承公命屢矣今 没梅磎公手草君行錄以寫其哀而托諸立言者圖 天關君者垂運也適君之不幸耳天則何憾焉君之 運氣然爾盖於君之家徵之故天之生君者常理也 之窮厄直士之因躓孝子忠臣之禍殃豈天所欲哉 運固天之為也及其垂也天亦無如之何矣故賢者

超羣越隊珠玉當座愧我形穢忽焉失之天豈恐斯 如尚見之作為誄辭以告來時 大運顛錯華者先萎秀而不實聖人所悲炯 然眉

鶴洞李公哀辭

足以範物文采風流足以及人故出則可以善世 大中少慕荆南者舊之風盖其學識足以濟用行治 於善世非擂染者久而信向者深不能也 鄉非若後世空言之學也然淑 郷之功難 荆南善俗

在吾鄉乎吾鄉尚文而重農勤事而後利耻言人過

時之故也即差乎曠世之風尚爲之興、慕况

儼然為一鄉之祭酒梅谷李公雪塢自公並公之 杖履徵逐所講儒術文章所言經史子集所業農 閣養志以祿麗家炊黍之會殆比屋而設水北山 化果所娛棋琴書畫良辰美景命酒賦詩岳寺醭 里社樓原而一三長老幸猶在耳後進之秀者亦皆 蒼白交暎而時則鶴洞李公目洞陰擇里而至年德 誣也後輩雖或衆進鄉望常尊隱德及夫老成凋 失庶幾乎齊魯之俗吾先子及霞谷權公之功不 也機嚴權子芝溪宋子並公之少友也葉西權 中適解官家居公之胤子亦早登科籍顯揚臺

觀 而 内 吾鄉之 舅 禮而吾鄉之美益偷矣盖公風承大夫 也時與命 以大中 产公出從 又習於古禮深 ·
儒長少忘 垂捲跡長 然公常悅吾先子之 一撫前人 不肖 師友 無方今德完福後 形 樂與之從 習聞風議篤學清修將以需 漁 衣幅巾揖 徃 之成俗寬樂儉動壽考康 樵 困厄遷徙 爭 頌 讓 風 我隣黨 大中亦 樽狙 流 不移常 恨 後 爛 人訓 為善之 操晚 畫 而

慕其德宗族懷其仁後生戀其教均是哀也况依慕 後世樂之賢於鄉相文獻傳之也吾鄉之文獻荷徵 於後也如汝南襄陽之傳則四長麗馬公必居其 也嗚呼哀哉然妖也哀則生益樂夫惟莫尊乎樂名 有餘憾哉然其生也樂則其外也哀公之沒也鄉黨 逝矣夫生死常也使舉世之人終始盡能如公豈復 而公卿爲下故汝南先賢襄陽者舊直一鄉之尊而 則 而攀遊盛如大中乎嗚呼仁賢去則墨國虚老成 鄉空令公之沒吾鄉空矣大中歸安所考德

殫冥搜兮間發吟詠屏雕鎪今七十五年浩自由 天爵恩柴賁圍丘今親朋雅集酒發為今皓首全 **詹夷稍今晚福之俊神所酬今賢胤致養備** 化歸盡官空遊今精華上揭級遠納今鄉山空間 懷悠今維春有蘭菊則秋今總帷將撤歲月道 一母羞兮立楊之期學則優今時命之違絕悔尤 也雖晚志前脩今被服禮義文質彪今青冥勲 地合う 以志養不外求今疎眉脩顴滌窮愁兮柴門几 世庥今故家詩禮篤源流今肅肅母儀孟范儔 婉聽教自孩柔今終身之哀在腹憂兮曷敢少

号斜余哀後辨謳今迸涕天涯閡南州今馳誄故 The second secon

康衢老人吳公哀辭

肯往獨喜與獎褐落魄者遊長安巷陌驢蹄殆遍 堅基酒之會足像公住惟其無求也故進士吳公上 故夷焉而山澤豁曠焉而魚鳥馴城市之遊不異巖 有求於人朱門經於主竇無求於人布韋傳於軒腳 以詩酒自放親懿滿朝廷或有披懷以 條隸未有識其面者中歲以後窮畸益甚再喪 聖植少當淬飾材華期有為於世顧蹉跎

文士如吳尚顯張達星輩並聚以為歸公客之不倦 彈基該詩外 忘之 其配一 亦未當見其皺眉晚育 風 日益落然不少恤也一僮 而公獨不 若遺不問家產有無坐卧無一長物有酒 杜詩問之如非誦也然未當以聰明自許遐荒 然亦不出里問屋廊半燼如無見也家故饒以 雨寒暑幸驢不病爾所至惟然道故醉歌諧謔 子輒夭人不堪其憂城而顧益放沒自喜人 一與也平居未甚讀書而疆記絕人 一事不介意也風議標榜舉世超為名 一男子憐愛之黑甚然出 驢待明而出抵闇 輒

特 放驢於庭竟暴忘返大中適 周足矣盖其嗜遊專為觀世也大中於公後 老人常曰吾不願富不 侮易萃處之甚夷微言似諷快辯似馬聽者亦不之 也以故交遊甚廣而此 **屈年董樂與之遊大中鎖直秘省公輒乗興而** 未當因以為利所得於世者 如追然而來澹然而去如是者數十年自 恩私 洪聖幾 亟貨之市賞 洪 稚 明 酒 至為 願貴但願遐期過百閱世 毁不及閱世 招朋公與元子才趙文 初伏飲 受 惟 賜 寢郎十 會者七人公年 襲 千 思與親 變而公則 生也 稱康 爾

役役求於世不過銘 何 最 於葬書之爲公小傳送與舊酒徒誦馬辭 絕少何哉大中於此益歎公之難及也然使後 公計至矣差乎死 特傳者張其事爾我 然神氣最健酒盡 無愧 其身之無求公既無求矣又何憾焉使公終身 樂唇不待明者而央然世之求者常多而不 以外責 而歸 也古之所謂玩世遊 正由其無求也點婁之諡榮熟甚 旌書一官也於公何益焉七 而無憾志其生之 而興未己大中旋出 則非敢夸也挽幅 戲者不過 無辱生而 「橋郡

莫如無求公實具此以盡其壽我書其迹庶公不朽 觀世莫如城市玩世莫如嬉游至樂莫如無愧至貴

之幸君子處其常而已然君子之不命實天道之不 修抑之於用適足為司物者之疵不幸就甚焉以吾 幸也性命同出於天而二之者時也一失其正天安 性焉而不命者君子謂之常命焉而不性者君子謂 所平化權而定民志也豐之於界蔑之於施篤之 觀記 今之不命未有如石堂金公者也天之性 石堂金公相定哀辭

豈不備哉道義之門詩禮之教胚胎擩染特異於人

病成 長人 会 解

其自任以文章之重如此内行醇備裕於範物文章 實適者廟籌文衙直朝夕事也不幸惟世網擯棄荒 又其餘也故學成於家望重於國盛世黼黻之任 野者十數年于時世運方亨材俊畢與聚奎之瑞應 之玉府翱翔多公後耦而公則窮且老矣知公者就 不為之恨悒哉然公安於義命然尤不色形也方且 公而誰屬哉及其登上弟踐華貫也年德老成而望 又勵志力學寫於寒畯期必振國華而光先 百家病亦不去手也文非两漢詩非盛唐不道 逐雲月嘯傲湖山以發其文章之奇而甘與世

忘也一 艶也得其一猶足名世況兼之者即熈運之遭天益 相我而及遽推抑之不少惜及其起廢少伸於久屈 嗚呼情哉夫豐材篤學偉閥高弟此四者世之所同 教之宗而非文章則莫傳故文章名之柄也富貴榮 草夫道德之尊也名節之炳也事功之偉也均之世 天道尚可徵也大化徑促又就使之然耶性固天界 窮溟下邑豈足久屈公哉 召命且下而公遽逝矣 而命則别有主之者耶然莫壽於名而名莫重於文 勤公亦感激 上以縣符起之辭 洪造思以桑榆末景神補日月之光 陛之日 慰藉甚

永也天既修公以名矣何恤乎其窮也幸不幸不 顧何足以及此故名者造物之所甚慳也一 也性命之論於是乎定而知公者可以無城 甚即故名重而身窮君子不咎之命以其所施 剥其餘工部子厚之文章何辜乎天而窮厄如 礼

漫而盪滴亮天地之一物胡混洋之無匹 昔吾官夫東海窮日月之所出雲容容而被覆水漫 **嗟先路之滕我詎有俟於公躅移江** 沐爛天章於荡泪仙槎寄於水濱檻先照於朝旭 湖之 惟

吸沉產之清爽攬星斗之精英天柱此以獨 水國猿鶴專而齊鳴長空暖以夕照送楚些於秋聲 格之崢嶸猶睠顧於帝鄉弭絳節於遐征遺琴韻 灑之高矚端倪曠以一 碧浩余忘於榮辱華文結 上薄宛白虹之如玉曾以是為下穢倏返馭於太清 玄川元公哀辭 峙姬

末公禄位不足動人文章未足路世然知公者莫 川元公乎余於公年輩稍後托交亦晚然略睹其 可以範物可以長民居今之世行古之道者其惟

以師表待之是誠

何由哉盖其行事篤於倫常學識

善之自名故其見重於人如此始公淬勵名節處約 皆悅其成德襲之此公者反乃交口推服之不己豐 利不能誘威不能怵李公信知公也仕則直道而 前 固窮高論似激篤行似矯飢寒剥膚而不動謗毁交 於經典質厚氣完材足率物非若一 跡漁樵殆與世相忘而聲光之被於人者益長谷 李公敏輔管與公並僚熟其實行謂余日夫夫 而不懾惟古道之是師及其硬者醇峻者夷而衆 以自娛卒乃捲而歸之荒江絕峽之間芒鞋 亦不撓所至必有成績去思形於謳歌洛園之 節之自 好 也

矣公亦感激 哀于公也徵惜乎範物之功猶嗇於長民也然時命 衰老問及其起居二年之間官乃三遷黃計降流皓 長焉其誰賴哉 嗚呼痛哉昔 余聞諸公英靈之氣 不處消為之歷數其證荷其然者公豈遽消者耶將 滋華 故君子何愠焉若余孤寡師友盡喪今又失公债 節巾正席無怛無憾哲人之亡遠邇同城生樂外 耕雪川之釣不過是也 恩資送行山澤光榮聖世恩龍於公備 洪私畎畝歌詠圖報萬一而遠已逝 上忽以掌故徵之連 上猶念其

也惟其餘風遺韻足以恭荀陳而踵徐龎起後 銷影沉返英氣於山川而不復見即幽則余未敢徵 駕風馭雲翱翔於廣莫之表而復與、余相期即抑 三中坊全、大

爲之誄醉日

世以此徵公可也差乎今其可復見即遂校涕

今之人孰知余悲 氣足以馭其才學足以成其資行足以盡其分辯足 師 通其知確乎如石到老不移是之謂成德可以為 時命之癸未完厥施來輝去榮獨荷 天慈嗟

奪之氣而志帥之者也故能不畏彊禦不事權貴義 重於用也然氣之用也乃有小大之别吾友李斯 奇其志遇之跨其伍也即斯舉之賢<u></u>可知余則晚 士然氣之貫才志猶心之統性情也故才勝 者君子不謂之才進於才者固無論也若是乎氣 無足以自振然切而力學能自得師壯遊京洛因 有其大而用之小者也斯舉家世單寒生長鄉 親 才以氣帥氣以志立志以節具斯三者方可以 所交皆一時之選同鄉士大夫莫不受其才一 都下始數性 來習知其平生殆其有不

其没也宰相之識斯舉者無不嗟惜之日傑士亡矣 其意每酒後縱言奇氣溢發若可以奪三軍而傲千 遊燕都遇其才俊無不披腹心而待之仕亦未皆屈 也、夫士氣安所徵哉天下無事則觀其志天下有事 駟也時或指論得失鑿鑿中实信足有為於世也及 節俠烈士賴斯舉而見之文藝之名世固其末也當 李尚書文源在北營而計至哭之甚悲而屏姬樂义 之其見知於顯者如此然余之悲斯舉非交好之私 後言 勇赴利則退避一與人交終始不易面折人 禍福窮達視之若一蹈患難而不懾古所謂 過

謂足以警世而文章則略之乃所以重子厚也故余 之誄斯舉亦言其志節之高世而略其才也嗚呼痛 舉無所用其大徒以志氣見而名世乃用其末也昔 韓昌黎誌柳子厚書其求易連州事甚悉反復感歎 則觀其節不以富貴而重不以貧賤而輕也惜哉

夷而不爭子之所修宅此其幾抑志居世知者寔 自君之没余質徑虧非惟君城實為余悲差夫親 所識清士處頹俗而若蛇安所識高士居物中而 外安所識奇士乃孤往而特行安所識賢士

市场身八老丁

秀額宛在青眸聽江水浩廣陵草暗自涯而送居者 之淺宰物之爽惑此餘善欸我道窮遽失良儔疎眉 人姜清士絕寡如君志操古之剛者胡予之後胡 在堂子壯盈室熟養熟誨若子始卒年不稱德祿 稱才時命之試競為君哀余之惜君實與斯達世

金大司成方行哀辭

登朝謹守家法於世無所與也然權凶憚公地望 辭然位不稱其德君子悲之乃其胤子大成公繼 陵盛際諫臣之選世推副學金公知與不知無黑 馬成是人名一京解 禍之招盛福人天若相激也而其實則天定也是猶 之談福祿者必以公家為首夫惟積屈之受大伸橫 世端笏輝暎韋紳舉朝屬目指為聖世之光而世 之横速復授公宿研未幾權置泮長上當臨軒試 士兼試講製文臣公率泮儒入庭二胤從公趨班 臣季又成進士黃甲直步武事爾於是 上益知公 擯斥在野三胤並益力學伯仲相繼登弟選講製 有甚於副學公然倚伏屈伸之理徵於公足矣公既 公畱落鄉里憂畏困躓如窮人之無歸君子之悲之 其私構以橫禍再陷之不測顏上聖明得無事

尚人世以是益重公而 求福於回者可以知誠而正士 其損耶將名德之輔世也豐其期者鮮耶嗟夫 試進塗彌展而公邀病矣大中間其病也私獨先衆 而憂未外計書至嗚呼哀哉豈公持盈之戒身復當 天道之及復来除於一身而徵焉禍公者適 不亦有補於世教耶然公之謙退自持猶夫畏約時 而盈盛之懼常見乎色二胤亦守公法未當以材閥 久夏之相反也公則不幸而當其激又幸而見其定 則人誅而公焉能禍多見其以福餉也睹 之知公也益深海泉之 可以自强公之厚福 自禍

非公職即反乃歉其年位不完其施等之於不遇 哉豈復慳之於公如副學公而益昌大其後耶大中 彌亭公之進身自有餘裕而况又 三知深家運昌 未當隨寒昵也惟慕公之謙抑而謂可以攀遊也 交公也晚然方其因也未當隨泉疏也及其亨也亦 之遇聖主盖千百世而一有也公則遇之矣顧横 天之錫福於公備矣展布佐佑揚先烈而朔 也辭目 今速止於斯耶嗚呼痛哉樂悴脩短固不足欣戚公 網 夷 難 流 離 分 自 屏 於 明 時 而 權 凶 既

馬成長人长一家新

世臣之長往谷常理之屈伸天不待乎十稳嘘鳳手 熟 若兹夫子以之挺生繩先武而種學早策名於筍 時於故宅貽忠懇於副學儷朝旭之鳳鳴偉世德 而競騫蹈虎尾而餘懷彼虺越之極公廼非禍 利於進身天門蹲以虎豹競磨牙而擇人公胡為 育 時望之或先尚退飲於田間際舜堯之嗣興時 飄危踪於海滙暗孤善於鄉黨猶京產之或至 太師之玄胄清白傳於八百楓溪振以節義棹 今其人也就存慶於公而獨聚異托分於第分 之甚而至再壽鉗網之俸魚類 聖明之上

勞之分飛余北出而公西欽英簿之歷試帳山海 馬成集人 退睽推雅志於悸盈聞公疾而獨憂幽音届於塞門 攬遺芬而涕流懷前娱於逆旅阻歸楫於江漢傷年 證雲泥之相忘分新喜於寫題翻後承之聯芳條燕 之逐歸遽 南郡而兆見瞻日月之特照晰倚伏之斯遄迨佐 笑公莞爾而哂余子豈婤於觀變言無幾而幸中 時客於旅舍招朱溪於近巷挈清醪於良夜晤言長 而更僕晚契敦於人要謂無庸於畏約行且易於咷 師儒之超遷睹 命於典術復朝夕於清眄期憂樂之 家之萃樂比同朝而騰

位之復歉惜展布之未半当字物之再怪將益昌夫 三下サイプラデ 棘於日下好先志之篤追徵哀誄於露薤託回 是君子之深城飲未終於報效結遺恨於掩幎懷察 人惟際會之不世暨謙牧之邁倫寧斯世之復親 風

馳辩

李懋官哀辭

國有書籍之政無不與也漢之侍中唐之供奉不足 文學之士李君松官首膺其選珥筆肘簡出入瀬 上之初服建 奎章閣選置閣臣仍置檢書官以貯

比其學也自有蔭仕以來未之有也於是然官之名

后被集火家广京商 著書已累篋矣未幾老成多折輩行與交一時名勝 其贈行軸得一詩序光針射人不可狎視驚問其誰 詹軒大容朴燕嚴趾源最其得意交也然然官之學 無不重其文章而樂從之遊得其評批珍於全壁洪 也始余識然官因元子才日本之役與子才俱道 仙佛神姦之怪文字制度之懿夷狄獸禽之颸手抄 不專為文章也蒐羅古今貫穿宇宙兵刑禮樂之盛 則 乃松宫也及歸即就之松官年尚少文弱甚然 蓄爲常用而考据辯證又若顧炎武朱彛尊之 世所至人皆屬目焉文章之遭遇莫然官

堪安之如素其以青莊自號 為也其意盖欲集千古之典章任一世之文獻也 忽自天隕羣公迭剡 奇詩許以東溟弟一流也然然官不喜貴遊不事程 端居教授從之成材者聚内行醇備敦尚 之交終身不渝性又清介絕人固窮忍飢人所 功信、多者」 且壯哉當入燕都遇其才俊則無不傾心結交 問而衆述作懋言之才學於是乎展 死窮堅爲期而於世不蘄遇也檢書之 聖上特知如獨為懋官設也 亦取其求食不移家也

步越常與之偕及撰海東邑誌子才亦承 北出未久然官之計至矣差乎子才猶長我十數年 合存没之感萃焉子才還山遠没余哭之其館今又 過從殆若形影之相隨一日不見曠若三秋卒之離 梨管 思醖乃松官為之主也余又比屋而居朝夕 所謂處膏不潤於愁官見之以故修潔之操乎於上 多外臣所未知也餘陸至及其二弟然燃官逾益謹 下不但以才學重也余之待罪外閣類懋官在內 闕於氣華色不見於親出從郵縣律已益嚴占 禁闥十數年小心如一日破靴獎帽徒步

世上坊生であた。一 歸嗚呼痛哉然是猶戚吾私也夫天之生才將用之 矣懋官則少我九歲而乃遽先我逝即子才喪而吾 如彼之盛耶是必不偶然而生者也我東文獻三國 達於 上俱以得時為幸况懋官之才之美而遭遇 固質質也高麗稍襲中國之制然猶金元之餘也我 世也况又 作者聖朝有餘憾也然作者之為難從古然也有 盛也然文獻之在下者如十志三通之類尚未有 所聞過愁官亡而吾無所質疑反顧悵悵吾誰與 聖繼與名賢輩出制度交物彬彬平二 聖人作與萬物咸親寸藝尺能無不自

上一大 上 人 之責莫之尚也人於世難矣不然以其英明之氣恬 子之後得盡天下之觀而 其年命不底厥成何哉將文獻之猶有憾而叙述 其才思無其學有其學思無其識有其識思無其職 有其職患無其時故二十一代之間文獻雖 則班楊之叙述也時則堯舜之制作也又幸生於諸 則無多也今其才也學也識也然官皆無有之而 惟此之為職武譜之編即其一也文獻之成書非 耶然則懋官之生也天若有意於斯而及乃促 入耶夫以眇然一 一布衣位居百僚之底而文獻 聖上之責任懋官之 博述

声场集ノ港ー 是皆氣之粹君惟得其一挺生既超光修飾亦罕 靜之資而年不及於下壽耶嗚呼惜哉詞日 材以品為貴學以心為師聰明與玄悟獨擅天下奇 跡寒豈惟奉公賞偏荷 勝賈生遇蔚然文獻任當世拾君能天生 地為珠玉在天為星宿在物為麟鳳在人為靈秀 知琮璜器乃在蓬蒿室希音忽上聞 漢則掌故吏唐則供奉官直為 翩四檢書讓君立上列籍筆上 聖明時其來說未易其去一何 重顧密 恩榮重還 玉階顏貌皎 勿 速 江山返 異渥遽南 前席對 博雅

始榮名固無限此筆寫哀誄吾道泫益孤錯莫公私 涕從子就山麓就能賙君家如郊有孟簡廣文自君 視忍缺堯舜君児君長逝後喪難偏君屋咽結西 散夢寐或見之鬼唱江南土巫招塞北雲泉塗目猶 泉於今無此否渺然人亡漏何地洩吾悲精爽豈 氣簡册駐剩馥在昔五山没產雖實示各我未解 . .*

爈 昭代失鴻儒

嗟乎懋官之没如玉碎星隕伯深之没如虎倒龍 吾黨不幸去年之春失李松官今年之春失吳伯深

時文長ろま

哀辭

馬呼哀哉 慽 則並捨老親而逝者也何天之偏降酷於孝子 思逾 於承明著作之庭 郷 之士所共悼惜豈獨吾黨之不幸哉乃其 事過 外面 峽漠 益不衰要之非百里才也 余之交伯深最晚方其名聲藉甚於場 於昆弟為於宗族故舊家居躬執 然不相 雅亦未厚也卒乃閱歷多而際會 絕於人所至 無所不讀尤 知也及余從 而相 知始深矣伯深内行 一縣邑具有成 好易及 **室於洛則伯**

貰伯深感激 職步局於

短轅

鸞翮鍛於

叢棘從

古志士之所同 將三軍折羣疑而有裕毎稠人廣坐抵掌談辯 与 成 長 一 え 解 也然亦有時命之異焉伯深之襲之枳闕時固然也 知於閔右相百祥而弘燮乃其螟子也弘燮敗而累 伯深之屢被齒齒於世亦未必不由此也伯深世受 盡傾莫之與亢以故知伯深者無不以人傑許之然 欲超用之而未果伯深氣格豪雋識解明確若可以 伯深坐廢十餘年卒之幽光上 賜恩遞繼得保寧三為文法所中中輒蒙 殊眷誓以外報解官而身處没矣夫 一徹始除利城 二十六

ヨーサイフラー 也且其怪之於今將欲闡之於後也天之餉伯深 得此者有幾伯深則具有之矣是亦足以自快於不 耶生之欲其用也用之欲其成也宰物者於伯深得 古用未稱其才也何傷哉得於此則失於彼理之 無反其常即然士生斯世淬勵材具不負受中之青 已多乎持此足以慰長逝而勉後人也若余之白首 一備受特達之知是又其萬幸者也從古材俊之士 幸也立身楊名樹英望於當世一幸也遭遇 主知若 兩友如距蛩之失耦侵長乎此吾誰與歸 可少展其材具而卒止於此 庸非命

隔歲二 横逆之來子則何損力田劬學窮益務本及尹環衛 踐為 院躡子清塵荷 直其餘事 維伯深父此厥猷守材具之富問學之備場屋盛 甲獻長楊紫衣傳促榮動禁廂余亦被 宣夜入喉 英俊之才世不常有輔才以學其質益厚發 應製隊亦摛英粉署華硯吾惟 行檢氣由此養志由此條是爲通才可使大 丹批降雪絕於桑酸愧居盧前偏辱 非惟悼友正所以自悼也嗚呼哀哉辭 ,斯乎政務達乎内外牛刀薄施至 上龍揀馬則輒讓衆孰與京繼 子即豈以聲律推 一輒稱最

市場生の光十 **游**迸 君親 君餘冀卒宿志勉作成書報答之願矢以一死展 自川嶽沒是徑消逾見其卓英靈陟陛薄彼玄宙 策風霆捫歷星宿帝居孔邇天路豈窄游戲自專軋 轍靡隔尚戀 生人傑用乃止斯豐玉荒穀並嗇厥施念子氣魄 歩亦豈此止脩期遽促熟司其正幽音跨塞執 北聲氣相傳迨我從郡子則歸田篤勤親養寔 餘芬剩馥沾巧後人我作誌辭式表世珍 · 衮褒偕及感 一念結觸昭冥恐遽永訣目其能局天 明時聪顧清閣跡雷玄亭詞續 恩之製同在外邑渺然

松巖李公哀辭

者少令人之不及古非此之故即差乎以余之所睹 記勵志無仍無愧古人者其惟松嚴孝公乎公少學 人本也才則其餘也然世之以才稱者多以志行稱 可得無寧捨才而取志行也才固難也然志行之於 必有君子之行二者具然後方可謂之全德而如未 有君子之才者未必有君子之志有君子之志者未 又羇官在洛客於公屢歲知公本末宜莫如余公至 於吾先子屢至吾家又與余學易於進濟金先生 過人內行尤歲孝悌盡分事仲兄如嚴父即其所

潛思萬世也而朝幕千里也而尺咫幾若可以跂及 **怵若質戾推善讓長勇於屈己矯然而遐睇湛然而** 嚴事可知祭雖在外致齊如祭寫於傷友怒於惸獨 君子儒即以故見諸行事者皆可為於式義所當為 者古經也寤寐者古道也雅志常行惟欲追古人 死生不足懾也義所不可實育莫之奪也秉心寧失 志行雖無學問之助亦足為一世之清士况其寢處 不喜華節不慕榮利問戶端居如處子定僧以彼之 市場生の発力 苦無失之懈執德寧失之固無失之荡行或歉意 之力學就過於是天賦之美輔以學力可不謂之

后次是 一 京 新 物賓與六行居其一孟子曰士尚志若行與志道之 儒可使立鄙可使敦不足為世教助耶夫周官之三 子所以亦有古今之異也惜乎乃其於式止於家鄉 終始也公之以此終身足矣若今之所謂才者公亦 也卒之病益痼而命益窮則公亦無如之何矣然 公者作於貢舉之時則得出於科目之時則違斯君 不屑有也余於公平居議論殆無不到當笑語公日 而卒不能至者非志行之不足所未至者才也故如 一息未泯此志不容少解者今於公見之推斯道也 一几手一經而終日白首如始學也朱夫子所謂

三門当伯才 行之不可泯者烏可以無傳遂校涕而爲之書以卒 之過執也公亦笑而不答然余之志行愧公多矣尚 使子為漢文之爭臣康節之執友則何如盖欲矯 安能為公財哉嗚呼抵老相照惟此心爾今遽隔 ·古晓言壽音邈若山河蘄名於後亦非公願然志

後外者責辭日 獨其卓勵兀癯容於閒居耿苦心於潛契諒性分之 絕人别家法之邁儷惟小學之律身縱在昔而罕姬 幸余托夫蘭室與共榻者幾歲先君思而對助長者 一士之不偶古之人而今世行何獨其潔飭志何

米鹽艶竭力於孝悌晨星邈於北南獨瑰喪之交 節之 懾 於 凶 蕅 並高於内行志逾惕於外厲崔 逮 巷 而 難繼 孤請 將時命之 歉於芬華寧為病於德慧維至行之過拘信苦 宛小山之叢桂專講剛於古經 偕逮蟾江香而雪皓葉岫寒而烟霽林 於翰墨 徴花樹 及余官於海濱子則逐於湖澨慚 忽反 省 这是寥寥志而曰古宜在今而整 願 同傳於儒藝風流爛於靜 而 無娛亦推友於棠禄安 獨門若脩程之長滯豈 無私於尺帛度 捨頌 凋神 材學ク 屋

事坊生る美 酷死濟差昊之難諦希知德於濁世熟幽光之 偏窮命於晚節子一身而枯銳證遺恨於苦癖欽毫 定分憾裘馬之獨樊一息頃而寧懈吾得正而斯斃 哀誄亦其後時攬春薤 言之或贅懷江漢之永阻以朝幕而設計 一而偕產嗟螟子之繼股遽又斬於清系遐貞士之 而沾袂冀九原之相照敢

故家名門多生公輔之器盖其胚胎需染專是世 餘居養熟習無非家法之懿而實祭之政可推 僅客之駁可移之牧帥切而炭重因其性

洪公晦顯主哀辭

得乎以吾之所賭洪君公晦其人也君生 行文是以外上京調 於之色在家無子弟之過居世寡名利之慾以故年 孤之家視若茶飯需世之具不已足乎以故世閥之 門不生才則已生則必賢於人况又行之以謙恭濟 其德也學識則書籍具焉聞見則典章熟焉至於章 奏簡牘之文進退承接之節寒畯則多未之媚而 以器量則公輔之德備矣鍾昂便其裘也雖然捨 端厚守其範也壯而勤勵率其職也長而寬裕成 禀質也美受才也優纫不設惰慢之容壯不見驕 三十而公輔之望歸之長者有事輒就問焉即 於世德

晦之 伸 地望之别耶乃其積累之厚又有别於人者北谷相 声坊身はえ 乃捨之若遺低就蔭調不食之報必在其後匪惟 過陰耳尊公風以材學名世黃甲直掌握中物也顧 及其肖孫又復 承之布素而储重望文識與趙東溪龜命齊稱而不 雅量鎮物厚德裕昆風範被於江漢之間愛懶 無年未究厥施時人之悲之如江左之喪衛孙也 及之世皆以為朝夕可必也而卒無成又卒無年 之常理也公海屢入經講幾弟者數而 賢可知使生於寒畯之屋亦足以材用 如之即公晦之祖考也若其世祿 顯光

匿不衛知者鮮矣没而後始出其二齊百選二 藝術也然其發於聲律者亦且超詣不羣直以其韜 無遺逸而獨公晦則衆期其達必先伍光其世閥 明建極 乃處短命外矣嗚呼哀哉且公晦之材器不可以 行具是四者乃可以需世然才也器也德也固公晦 重 何哉嗚呼其命也夫莫難乎才而非器則無以受莫 乎器而 所自有也命則天也公晦其於天何哉方今 號而百選其自抄也尊公持之而働盖亦始見之 材俊昼庸名門髦士接跡交升旁搜草野殆 非德則無以鎮莫盛乎德而非命則無以 哀解 一齋其

是亦屈伸之常也公晦之孤稱而凝重如成人公晦 也笙鏞黼黻之需斯已具矣假之以年老成其材豈 ヨーガイスン大 永食之報必於斯發之惟此可以

慰長逝之恨而舒 滋為世道光即嗚呼惜哉然方長之折桥必加茂

胡使之秀而不實也既界旋奪若相嫉也世德之餘 高堂之悲也欺嗚呼痛哉辭日

無怠乎善報買閥 又復屈也問諸真等辭亦詘也有子克肖待是發也 也 小田公

鄭公執東主哀辭

善息鄭公如玉樹挺時傍無附枝少余親其風儀

亦最愛公執沒亦過時而働屬余以誄詞且日吾見 宅心如錦無忤於人精介異常决非妄作之人札翰 子道消則如公執者夭折固亦有之乃今 至治昭 優於儒世當亦再中泮庠之解並可書也公非私於 慈諒裕於承家而次弟喪亡其季公執於我逾親公 條老益窮獨天理安所徵哉悲夫公之二 高而身逾詘不食之報當在其後反乃再遭逆理之 然敬之老益不能忘公既韜光匿彩隱於祿仕志逾 **导成是以长一家** 融世運方亨仁賢之壽材俊之達並理之常也又况 者余亦識之也熟宜公之久益城也世衰運否君 一胤並愷

当門坊自己のえる 聖君如此世益知公之賢公執之才而承之進則必 名門英髦接跡交升此非公執時即公以桂肆舊僚 哉公執之得於性者足以有稱則命固無論也豈足 哉然命葵於性君子寧拾命也壽而頑豈若夭而 公執之逾益可悲豈非以其世哉信乎天不可認而 獨十子之無命耶夫惟苗秀之歎今古之所同憾 命不可識也能不重為名門城而賢父働耶嗚呼哀 一日鄭某清士也寧有犯科其勿問公之受 王國之吉士而卒短命以没豈名門之不幸即 知實深當去官而為梗民所經有司請逮問公

顧在人也視今世文章無足發公執之光者尊公縱 以哀誄見屬余亦非其人也安足慰公之悲也是惟 公執城哉然公執不幸無年未及自見於世見之 哀也己辭日

爲用則無競於時也端於家也慶易爲中折宰失其 正玉鉄蘭灌徑癸其性性命之乖合古同病炯然泉 子之始生天豊一命承父之賢值世之 聖才足有

貞夫人洪氏哀辭

墜 幽光掩映餘芬在世視此 蓮詠

婦德徵乎外家政成乎内觀德於外所以觀內政也

常變之判也若夫否泰屈伸之交其難殆有甚於處 或不幸而處其變則動忍以安分惕厲以俟命嚴佩 頁戴各循其常疏糲糟糠安之如素然後方可以處 不交濟以之為政福亦隨之刑家之懿孰過於是厥 見夫子之慈惠則知其内之和厚斯道也不相須則 則知其内之謹約見夫子之勤儉則知其内之貞固 ヨ中場自己 見夫子之謙恭則知其内之端莊見夫子之潔康 而無咎茲又儉德之功而内政為之主也然是猶 一體其取錯之意則未可以撤其憂也於斯時 夫在首之儆固君子之所常持也然不家人

古成態と家子 恭自其少年時削衣食遠貨色力學清修以至顯揚 德之資於內者不益厚即故不有賢配無以善其變 藉陰耶然倚伏乘除亦天道也處得其常困必復亨 是雖公之自致然賢助之功半之徵諸天道陽功不 及歸於公公家方則貴矣然公未嘗以富貴尚人 汀尚書趙公之夫人也夫人之賢以公知也夫人南 也果福之歸固其所也具是道者於今世也其維柯 公夫其世德之美女訓之正固夫人之所自 洪氏家閥為世冠冕曾祖忠簡相公外祖文翼 則暴當其犯親粉之孝天實鑑之終乃屏處荒野

畏之色不渝於盤匹風風夜寐奉職如一再辭腴藩 然公居之若驚而意逾 當其亨矣出則保釐入則財賦廟籌朝望並趨之矣 如窮人之無歸然然尤不色見也好逐安貧惟 一一切を一 僕亦無憾意即其刑於内者可徵然非夫人之 因衙之所作又增益之飲退之意不移於庭閱謹 人並其謙恭之推而盛德之符也况其憂戚之 問之助於是為大及夫泰運回而直道伸, 亦何以成哉大中又聞諸公矣夫人聰 物而逾益韜巽處製一 一下潔廉於官勤儉於身慈惠

与成長と大一家新 命婦三子並修潔好學克世其家殁則飲於夫子之 悼之也夫人之德盖己聞於 九重不亦休哉處因 其葬也因其長胤之屬謹具書之且以配公之 爲女教之光而世道之幸也大矣豈獨夫人之榮哉 係之以辭辭日 手婦人之福於斯備矣况 旅乃其 具固也如此其餘可推而知也及其殁也 大中公家舊客也備見其屈伸而益知夫人之賢治 履亨一是德也象漏不歸之即以故壽届周甲爵列 一當語筵臣日予聞趙氏婦容德俱盛宜戶判之甚 聖明之知及於身後其

婦道無遂因夫而宣安於處約益見其賢籍珥之榮 戸功作三人え

知德者天徵之在後女史之是

立船頭督衆救船梢工東手船中並無人色副鴟 軍徐公亦以幕佐從一 不相下當渡壹岐海順風驅帆疾勢如箭踔四百 於柁屋卒不得板公適病計處起奮推碎其緊遂 廟及未余從通信正使濟養趙公入日本今大 一時耳牛渡上使船鴟折幾覆使相頁國 一見相得年又同庚然亦質氣

而就鴟穴急湍蹴之以入船遂獲濟是雖天佑非

と可文金にとまし 書洗兵館額揭之題偉稱其館公之大字遂擅名於 施與仰哺之家不可勝計外内擔兵三十餘年未嘗 世公雖門貴未當忘貧賤時居室覆以茅喜寫客樂 一投筆或垣亦有尉薦者公素善大字倭人以為實 鄉舎花木亦取有實者一果不虛植也数海子 為統制使至即捐千金質南原雪紙日智一卷乃 功也公家世儒素非欲以財跗進而特其英武自 胆力何以致此自是一 以故捐館之日五管之卒聚哭公門如喪生 人勤孜未皆自逸治園圃藝禾稼牛羊 哀辭 行皆稱徐將軍然公則

課習 各以其業不使之遊敖以故成材者衆公退輒 二下坊有プラス 喚公名而思之柯汀之處窮亦近二十年知舊皆 彼女子尚然况丈夫乎然世之踐此者鮮矣公於 盡乘乃返日以爲常風雨不廢也 乃其大者存焉所貴乎人者以其有信義也夏伕 女 公固非尋常幕佐而趙公之罹阨也權凶煽禍 不測而公獨往來省視未當少備及其遠 旋為北兵使走呼數千里饋以藥物趙 不云乎仁者不以盛衰改節義者不以存亡 書日磨墨盈升其心力又如此然是皆公常政 及射力減則 泛謫送之 赴

較之傍豈無睢盱而信義素字禍患不侵卒以功名 在傍者亦未知也大歸之期公則自知耶益見其完 延寫佐招聲妓盡娱五日而罷 終郭汾陽不過是也公雅不喜聲樂忽於南圍别業 絕而公獨加厚問遺如一及柯汀起廢門關復盛 三十大 一京解 所 老去而園爲公有樹木加茂池館稍廣爲公收獲 福也南園 則無伐勞色也推此誼也臨難能質國乎是故笠 而余亦屢至也今焉已矣來戟之門蹤跡自疎而 則深乃遽隔以幽明差呼今世可復有公哉 則勿川元老之故居而亦海行舊僚也勿 逐而示憊脫然歸化

声坊有之うえ、一

執守近於滯固而其用則通正其所以得衆心而智 柯汀與道舊也盖公智數優於年龍而其性則直 | 稱交歸之也此非治世掌我者法耶遂為之辭

樂彼者園林木翳如於戟猶設擊鼓徑虚澹海之契 智未必修其命福未必厚其材公則聚之任重無災 白首之游人亡之働豈惟傷逝 110

瞿圃李汝亮哀辭

瞿圃李汝亮寝疾没於京弟得年幾四十六計至余 執書而涕目惜哉今世失一 一俊人恨余老病不得往

自己としたし京新 偉之子之伯氏登弟照賊臣洪國樂件及國 洪太和子外兄也目視之班行以語余者如此 視其飲未濟堂金命汝則將發湖海之行赴哭之甚 爲之酹酒 文章器識已足尚人與至宋公壇乃泉谷殉節處也 而感服人至此始余遇子於東萊子舍時子尚少而 推之北州人士尤必有涕泣而相吊者不知子何修 哀然是皆知愛子者也乃其嗟惜疎昵同辭喪之翌 日適朝會辰也上自公鄉下至隸臺莫不皆然太湖 月色交映視子眉間直有吸滄溟躪倭酋之氣余益 一杯相與痛飲大醉夜深不起劒舞前登 二十九

事场生 其氣而用之 上益器重之未义登弟浸浸于将大界也然常欲挫 君於無過措世於無黨而自行則有犯無隱之義也 先公痛切心曲還朝則欲陳章顧冤當豁於余余日 削其全榜以送其憾世莫不免之而伯氏亦建设矣 將賜弟子俛而奏日一字適誤臣實自知未敢受 無以也一哥必登弟悉弟則冤自伸矣時國樂已 子以宗戚世臣一念宗國未當從俗俯仰必欲納 圃之號亦以 上之目以在也然子志則未挫 而吾言亦倖中然子於科甲未當荷也當入殿講 滴補北邊殘堡内則典涓司官以困之 也

三月七月日 大二 京部 北者為多謗焰稍熄進塗將闢而遽遭 記而便告逝矣雲鄉歸拜終遂 蓐蟻之願荷其不 所謂内結骨肉之親外托君臣之義者也遂試於外 憐覆亦未如之何矣及其對吏明將置供片言失對 不自附也而當其用則千金不各文章之壯偉得於 四為北倅所至輒有成績威而不猛清而不介 顧復不過是也為臣下者就不為之感泣哉如子者 無幸矣上乃夜遣近侍入獄視其供草慈母之 喪之城薄海惟均而子之順毀實不欲生方喪緣 遇事力言不避時諱一疏纔騰衆怒交萃 四十 天崩之働

缺處子而來山之詩亦以康角之未盡化規之子亦 犂然而笑子固以一 飯之先右我而逝及先於我 乎欝然其瞿圃之自號也常懷遠遊之志而若 世或謂子之病崇於欝而天年亦促以子之 志士之城嗚呼痛哉吾當以騏驥之誤蹶鏌鎁之 而倖免今焉已矣生則徒受 其夭天年况未五十者耶君子安時處順而已 而世有横議必不從俗而苟容國有外患必不預義 有此然襲勝之没年乃七十九也南楚老人猶惜 也間以語余余答日遠遊不如靜坐乃 聖主之知然則長

馬才易蹶條氣易折子今無之曷不徑缺既勤其賦 胡遽其奪冥昭交盤孰尤军物楚臣之問只自訴屈 過時悲也然吾非私働也實為時惜也遂為之詩辭 与 龙 長 と 上 哀 解 亦欲矣太湖又言子屬纊之前猶念我不置必欲 原明被鏑於異超子則受戈於同室不幸益甚矣其 之以言忤世與柳原明星漢同而原明亦遽夭矣然 耶殆其所以促年也苟云以枳而欝浅之知子也子 面古人之 知其邁往之氣自知難容於世早願屈左徒之遐 相知今於子見之雖余老病垂外安得 四 +

取而不復視徒吾心之怛怛

慶州鄭生健聞哀辭

老力學所得於人只一上舍生也意其積累之發必 卒乃以子計來差乎才子之城賢士之窮今古之所 在其子及余北歸公書屢至訊問疾苦多於舊識而 谷口鄭公镇之賢者也吾當造其廬山扉靜暇故書 同悲而今遽萃於公家耶世運既下天理孔舛不幸 而罹其厄者天亦不能爲之主也人其如之何哉於 一子傍侍清修見於客儀信稱其肖子也公到

是任命之論作焉命安所徵哉理徵於天事徵於人

とり、人生人と え 一哀 群 道之亨莫今若也草野材俊之士于于平日進於朝 矣豈司物者值其字耶天曷故焉惜哉君延日人健 亦然辭日 第 卧 荒 谷 在古之人父不哭子兄不哭弟哀今之人遊此上 古或徵善菑輒各命天壽通阨孰司其正緬彼谷日 而嶺之熈運亦庶乎文明之舊也然公則懷實韜光 人天一也而異之者時也是以君子論其世也然世 弼誠夫其名若字也得年十二十八公屬余以哀辭 明王不及知刺史不與聞而肖子又天 四十二

青城集卷之十終 一川地で、一大美一 楊烏富於黔婁有子繼祖亦旣抱書是亦足以塞親 我所欲者蒼昊莫質仁善奚勸及酷其罰然而壽於 霜霰交積蘭摧其質桂隕其馥俊士之窮重貽斯城 之悲而慰幽恨於泉邃數 や言其今若也草野村後み 熈運形馬子支明之舊也然。公則懷言

